



C 40-4514

了翁。乞請大藏及百
家書置之武州紫雲山
寶微寺塔院廬府中永
為學者不敢許出院內
當山三世鐵牛機謹誌



B. 64853

大方廣佛華嚴經疏鈔卷十四之二

于闐國三藏沙門實叉難陀譯

清涼山大華嚴寺沙門澄觀撰述

賢首品第十二之一

疏初來意者。夫行不虛設。必有其德。既解行圓妙。
智首舉果徵因。文殊廣顯其因。畧標其果云。獲一
切勝妙功德。故問賢首。今廣斯言。是以偈初。躡前
起後。鈔夫行不虛設者。此有二來意。初對前行
以成今德。後又前智首下。廣前所成之德。故次來

撰述

也。

疏二釋名者。謂體性至順。調善曰賢。吉祥勝德。超絕名首。卽以此名菩薩。演說此法。賢卽是首。賢首之品。以當賢位之初。攝諸德故。偏舉賢名。

疏三宗趣者。於信門中。成普賢行德。而自在莊嚴。無方大用。建立衆生。通貫始終。該攝諸位。以爲其宗。令起圓融。信行成位。德用爲意趣。鈔令起圓融等者。天台智者。依此一品。立圓頓止觀。止觀第一云。此菩薩聞圓法。起圓信。立圓行。住圓位。以圓功德。而自莊嚴。以圓功用。建立衆生。今宗卽圓

法。意趣有五。一信。卽起圓信。二行。二位。四德。五用。皆以上圓融貫之。彼釋聞法云。謂聞生死卽法身。煩惱卽般若。結業卽解脫。雖有三名。而無三體。雖是一體。而立三名。是三卽一相。其實無有異。法身究竟。般若解脫亦究竟。般若清淨。餘亦清淨。解脫自在。餘亦自在。聞一切法。亦復如是。是名聞圓法。云何起圓信。信一切法。卽空卽假。卽中。無一二三。而一二三。無一二三。是遮一二三。而一二三。是照一二三。無遮無照。直入中道。皆究竟清淨自在。聞深不怖。聞廣不疑。聞非深非廣。意而有勇。是名圓

信云。何行圓行。一向專求無上菩提。不餘趣向。三
諦圓修。不爲無邊所寂。不爲有邊所動。不動不寂。
直入中道。是名圓行。其位德用之圓全引今經。若
自取當經聞圓。卽聞上同時具足等十種玄門。及
依正無礙等。依此起信。卽是圓信。其圓行等。並廣
如前說。今此一品多廣圓德用耳。

爾時文殊師利菩薩說無濁亂清淨行大功德已。欲
顯示菩提心功德故。以偈問賢首菩薩曰。

疏四釋文者。文有三分。初文殊發起。次賢首廣說。
三十方現證。今初分二。初經家敘述。二正明發起。

二一段各有結前生後。今初先結前已說。順違皆順。
客塵不能濁其心。悲智雙游。萬境不能亂其慮。是
曰清淨行矣。大功德者。卽前所成之果。後欲顯示
下。生後文舍始終。約終則顯示信滿。菩提心殊勝
功德。廣具五位因行盡故。約始但於生死誓證菩
提萬德攸依。故今顯示。

我今已爲諸菩薩說。佛往修清淨行。仁亦當於此會
中演暢修行勝功德。

疏二偈。正發起中。前半結前偈文窄故。畧無所成
之德。後半勸說令說修行之德。則與長行文有影

1 2 3 4 5 6 7 8 9 10 1 2 3 4 5 6 7 8 9 10

畧。鈔則與長行等者。長行起後。但起發心。偈中。起後。但起修行。故二處起後。互爲影畧。就結前中。長行有大功德。無佛往修。偈有往修。復闕功德。亦是影畧。

爾時賢首菩薩以偈答曰。

疏第二爾時賢首下。賢首廣說於中先總標舉。以偈答者。此畧有二。一少言攝多義故。二美詞讚說。令淨信故。以始德該終。散說難盡故。顯此勝妙之功德故。

善哉仁者應諦聽。彼諸功德不可量。我今隨力說少。

分。猶如大海一滴水。
疏第二正顯偈詞有三百五十九頌半。大爲三分。初四頌謙讚許說分。次三百四十六偈半。正說勝德分。三九偈校量勸持分。初中分二。初偈總明。前半讚問勸聽。後半謙已少說。海喻次下當明。若有菩薩初發心。誓求當證佛菩提。彼之功德無邊際。不可稱量無與等。何況無量無邊劫。具修地度諸功德。十方一切諸如來。悉共稱揚不能盡。如是無邊大功德。我今於中說少分。譬如鳥足所履。

空亦如大地一微塵。

疏後三開章以發心之德。況出修行。巧顯深廣。於中初偈舉發心章。次偈況出修行章。初心祈於當證。德已叵量。況長時入位徧修。故多佛不能盡說。後偈許說分齊。前半法說。如是者。雙指發心修行。下文具顯故。前文雙問故。後半喻明。然有二意。一顯喻少分。謂發心行德。如太空大地。所說者陥。如足履一塵。二密喻不異。謂鳥足之空。不異太空。微細之塵。不殊大地。故此畧說義無不周。若廣若畧。皆無邊故。出現品云。如鳥飛虛空。經於百年。已經

過處。未經過處。皆不可量。何以故。虛空無邊際故。等。彼就果行。此就因德。然普賢行德似同佛果。是故皆以虛空爲量。上下文中。皆同此說。鈔後三開章下。此段有二。先正釋經文。

疏此初發心。與下文十住初發心住。及發心功德品。各何別耶。此中發心該於初後。取其成德。乃是信終。取其爲本。乃在初發。雖如輕毛。功德初實。故十住初發。卽是此終。成彼初發。此終爲能發。彼是所發。此正是發起之發。義兼開發。彼是開發之發。義兼發起。其發心品。正顯十住初心之功德耳。以

斯甄別。非無有異。故瓔珞云。發心住者。是人始從具縛。未識三寶。乃至值佛菩薩教法中。起一念信。便發菩提心。既云始從凡夫最初發心。明知此中發心。該於初後。鈔以斯甄別者。此中異下二處之文。故瓔珞云下。證成發心通始義也。彼經第二初釋經義云。佛子發心住者。是人始從具縛凡夫。未識三寶聖人。未識好惡。因之與果。一切不識。不解不知。佛子從不知始於凡夫地。值佛菩薩教法之中。起一念信。便發菩提心。是人爾時住前名信相菩薩。亦名假名字菩薩。其人畧行十心。所謂信

心。進心。念心。定心。慧心。戒心。廻向心。護法心。捨心。願心。又云佛子發心住是上進分善根人。若一劫二劫。乃至一恒二恒佛所。行十信心。信三寶常住等。明知此中發心。該於初後者。具縛未識。初發爲始。而一劫二劫修行。方得初住。住前但名信相菩薩。居然通始終也。

疏問此既是初。何得乃具後諸行位。及普賢德耶。古德釋此。畧有二門。一。行布次第門。謂從微至著。從淺至深。次第相乘。以階彼岸。如瓔珞仁王起信瑜伽等說。二。圓融通攝門。謂一位卽具一切位等。

撰述

華嚴疏錄卷一

七

三

如此經所說亦如大品等中。一行具一切行。此中有二門。一緣起相由門。二法界融攝門。前中普攬一切始終諸位無邊行海。同一緣起爲普賢行德。良以諸緣相望。畧有二義。一約用。由相待故。有力無力義。是故得相收及相入也。二約體。由相作故。有有體無體義。是故得相卽及相入是也。此經之中。依斯義故。行位相收總有四說。一或始具終。如此門中。具一切行位。普賢德海者是也。二或終具始。並在十地位後。如下文十定十通等說。三或諸位齊收。並在十住等。一位中各收一切。悉至

究竟。如下文十住十行等說。四或諸位皆泯。行德顯然。如離世間品說。二法界融攝門者。謂此諸位及所修行。皆不離普賢無盡法界。然此法界圓融無限。隨在一位。卽具一切。今在信門。收無不盡。下諸位中。皆具一切者。並準此釋。鈔如下文十定十通等說者。定通二品。義該始終。故等者等取十忍。下經十忍之中。有音聲順忍等。謂約五忍明義。七八九地。得於無生已過信順。況於等覺。今明等滿處。皆成佛故。一住若不收諸住。云何說得位滿。

成佛。故十住後有灌頂住。海幢灌頂之後。便說佛故。如離世間品說者。離世間品具二千行法。如次配於住行。而不存其位名。但有與位相應之行。故疏問下發心功德品。亦說初心具無邊德。與此何別。荅此據行首信門所具。彼約行本菩提心具。間約法相收。是則可爾。約人修行。豈十千劫修信纔滿。卽得如此無邊德海。荅以法是圓融具德法故。若諸菩薩行此法行。是彼所收。或無量劫。或無定限。十千劫言。非此所說。如下善財童子。及兜率天子等。所行所得。並是其人不同行布次第教中之

所說也。又十千劫乃是一經。瓔珞但言一劫二劫。此經縱有行布。亦皆圓融。鈔又十千劫。乃是一經。是卽仁王經。此經縱有行布下三通伏難。謂有難言。如上所說。既有行布。此與諸經復云何異。故今荅云。行布乃是圓融之行布耳。

疏亦有引此下文。證成此信。乃是捨異生性。成就聖性。出無明地。生如來家。以有則獲灌頂而升位等。非是信故。若爾初地。豈得灌頂升位等耶。若云展轉進入佛地。何以不得始自於信。展轉入耶。若許從信展轉入者。何以要判此乃捨凡入聖。下文

自有十地之會。此中尚隔住行向等。判爲入地。乃孟浪之談。下發心品。亦判爲初地發心。義同此會。鈔亦有引此下。第二傍敘異說。卽安國法師。於中有三。初正立。意明此中發心。是初地證發心。非信成就發心。以其作用殊勝。非地前故。以有則獲灌頂而升位等。下引文證成而言等者。彼有十義。以證此中非信成就。謂一以說斷除疑網出處流。便得堅固不壞心故。以若未入聖。何以度疑。若是凡夫。何能不壞。入見諦者。乃能度疑。信不壞故。二。若未入地。不應得有常持戒故。三不應云生如來。

家故四凡夫不得身語意業常無失故。五不應則獲功德法性身故。六不應云。則獲十地十自在故。七不應則獲灌頂而升位故。八不應云。則身充徧於虛空故。九何以菩薩具智慧故。十信大乘者。猶爲易。能信此法。倍更難故。豈有凡法難於聖法。故知此品。正教捨凡。展轉乃至進入佛地。今疏文中。畧引彼證。故致等言。是其一意。若爾已下辨非。文有五段。初正以其所引。難其所立。但難其一餘九例知。謂旣十地中。方得灌頂。縱是初地。豈得灌頂。若云展轉下。二順設彼救。反以成立。若許從信下。

撰述

華嚴疏錄卷二

九

藏

三假縱彼救結破彼立。下文自有下。四廣引文證顯彼立非。孟浪者出莊子已見華藏品。下發心品下五例破後文所立非理。以彼下文亦判彼品爲初地發心故。此既不立。彼居然非。

疏問下云無量億劫勤修學得是無上菩提智。斯則非一生也。亦非十千以爲無量。通斯難者應有二義。一此約行布展轉義故。二約圓融展促無礙故。如上所辨。故善財見仙人執手。一一佛所經無量劫。故修短難思。特由於此。故賢首菩薩云。信大乘者猶爲易。能信此法倍更難。以初心卽具一切

功德。故難信也。鈔問下云。下第三引妨會宗於中有二。先問卽此品文。安國堅執屬證發心。經多劫故。非是初心一生故也。亦非十千以爲無量。遮救自義。况有救云無量卽十千故。

菩薩發意求菩提。非是無因無緣。於佛法僧生淨信。以是而生廣大心。

疏第二菩薩發意下。正明發心修行勝德。文分爲五。初五頌發心行相。二信爲道元下。畧示勝能。三若常信奉下。所具行位。四或有利土下。無方大用。五一切如來下。喻況玄旨。然此五段。初一顯正發

心後四發心之德第三亦兼修行此及後二皆修行之德。鈔第三亦兼修行者以所具行位行卽修行故位卽亦是修行之德故云此及後二皆修行之德。

疏今初發心行相中初偈總標餘文別顯瑜伽菩薩地明發心有五種相一自性二行相三所緣四功德五最勝今文五偈具之謂發意卽是正願爲發心自性也希求菩提及下作有情義利卽行相也菩提三寶有情皆有所緣能攝一切菩提分法爲其功德不求五欲等反顯菩薩所求最勝鈔

瑜伽等者疏文有二先釋科文行相之言便引瑜伽明具五義而行相爲總故爲科目

疏言因緣者謂親能發起求大菩提曰因假之助發爲緣因卽自性住性內熏之力緣卽習所成性又上二皆因善友及境外熏爲緣瑜伽云由有四因四緣四力菩薩發心四因者一種性具足二賴佛菩薩善友攝受三多起悲心四長時猛利難行苦行無所怯畏四緣者一見聞佛神變威力二聞法微妙三見法欲滅四見生受惑業苦四力者一自力二他力三因力以宿習故四加行力謂於現

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

法親善聞法修善加行故。若具上因緣及初三二力。當知不退。若因二四力。心不堅固。今經卽初及三也。又起信論智印經有七因緣。如彼應知。下別顯中。以三因四緣攝上諸義。三因者。謂信悲智。四緣者。三寶衆生。鈔初中因緣之外。更加四力。緣謂見聞境界。因謂內心發起。力謂有所幹能。然卽前四因。正望發心。以明力用。自力卽從種性因發。他力卽是善友所攝。因力卽是多起悲心。加行力卽長時苦行。又四力成就。卽名爲因。親能發故。今經卽初及三者。文中無人勸故。不言因加行故。又

起信下論云。信成就發心者。依何等人修何等行。得信成就。堪能發心。所謂依不定聚衆生。有熏習善根力故。信業果報。能起十善厭生死苦。欲求無上菩提。得值諸佛。親承供養。修行信心。經一萬劫。信心成就故。諸佛菩薩教令發心。或大悲故能自發心。或因正法欲滅。以護法因緣故。能自發心。如來種中。正因相應。若有衆生。善根微少等。未經萬劫。於中遇緣。亦有發心。所謂或見佛色相而發其心。一或因供養衆僧而發其心。二或因二乘之

撰述

華嚴疏鑑卷二十一

人教令發心。^三或學他發心。^四如是等發心者悉皆不定。遇惡因緣。或便退失。墮二乘地。智印經中亦同此。

疏今文中後半。總以信智因緣三寶境。信謂於實德能深忍樂欲。心淨爲性。故云淨信。然實謂一切事理。德謂三寶淨德。能謂世出世善。有其力能。今法寶中已攝初後。亦三寶中皆具此三體。實具德大用救生故。大者智心求大菩提。廣者悲心廣濟。舍識翻彼二乘小陥心也。鈔信謂於實德等者。唯識第六云。云何爲信。於實德能深忍樂欲。心淨

爲性。對治不信。樂善爲業。此總明業然信差別畧

有三種。一信有實。謂於諸法實事理中。深信忍故。二信有德。謂於三寶真淨德中。深信樂故。三信有能。謂於一切世出世善深信有力。能得能成。起希望故。釋曰。實德能三。卽信依處。忍樂欲三。如次配之。言能得能成者。信已及他今得後成。又無爲得有爲成。故論云。由斯對治不信彼心。憂樂證修世出世善。釋曰。上釋信業下欲據別。故有問答論云。忍謂勝解。此卽信因。樂欲謂欲。卽是信果。確陳此信自相是何。問也豈不適言。心淨爲性。此猶未了

彼心淨言。若淨卽心。應非心所。若令心淨。慚等何別。心俱淨法爲難亦然。釋曰。此中三難。初持業釋。次依主釋。後鄰近釋。言爲難亦然者。同前慚等。何別。亦是心王。俱時法故。論曰。此性澄清能淨心等。以心勝故。立心淨名。如水清珠能清濁水慚等雖善。非淨爲相。此淨爲相。無濫彼失。又諸染法各別。有相。唯有不信。自相渾濁。復能混濁餘心心所。如極穢物。自穢穢他。信正翻彼。故淨爲相也。有說信者。愛樂爲相。應通三性。體應卽欲。又應苦集。非信所緣。此破小乘上座部也有執信者。隨順。

爲相。應通三性。卽勝解欲。若印順者。卽勝解故。若樂順者。卽是欲故。離彼二體。無順相故。此破大乘由此應知。心淨是信。結也然今疏文畧引標釋。義已周備。今法寶下。以論配經。復有二意。一者別配。謂法有事理。卽是初寶也。法有理行。卽出世善等。故是後能。故云今法寶中已攝初後。亦三寶中。皆具此三者。義以前三通於三寶。如文可知。次大者。下釋下句也。釋下句也。

不求五欲及王位。富饒自樂大名稱。

疏別中初半偈揀去偏僞。謂攝眷屬過。所不能染。

故文中不求五事。求卽過故。一若求人天五欲。此能長貪。多是鬼因。二求王位長瞋。多地獄因。三求富饒長癡。是畜生因。實通三塗。各從多說。四求自樂。是二乘因。五求大名稱。若勝負心。是修羅因。若我慢心。是外道因。又以理求樂。是人天因。爲王攝屬。是魔羅因。有二乘心。目之爲偏。有餘心者。名之爲僞。鈔初半偈揀去偏僞者。卽天台止觀中意。然有二文。一當第五卷。明十法成乘中。有真正發菩提心。故云揀去偏僞。故下疏云。有二乘心者。目之爲偏等。二者第一卷中。明有五畧。謂發大心。修

夫行。感大果。裂大網。歸大處。今卽第一發大心中文。然彼復分爲三。初方言次揀非。後顯是方言易了。今將不求一行。當彼揀非也。餘文卽當顯是。今初彼文云。道亦有通有別。今亦揀之。畧爲其十。若心念念專貪嗔癡。攝之不還。拔之不出。日增月甚。起上品十惡。如五扇提羅者。此發地獄心。行火途道。一若其心念念欲多眷屬。如海吞流。如火焚薪。起中品十惡。如調達誘衆者。此發畜生心。行血塗道。若其心念念欲得名聞。四遠八方稱揚歎詠。內無實德。虛比賢聖。起下品十惡。如摩捷提者。此

發鬼心行刀塗道。^三若其心念念欲勝於彼。不耐下人輕他珍已。如鵠高飛下視人物。而外揚仁義禮智信。起下品善心行阿修羅道。^四若其心念念欣世間樂。安其臭身。悅其癡心。此起中品善心。行於人道。^五若其心念念知三惡苦多。人間苦樂相間。天上純樂爲天上樂。閉六根不出。六塵不入。此起上品善心行於天道。^六若其心念念欲大威勢。身口意業。纔有所作。一切弭從。此發欲界至心行魔羅道。^七若其心念念欲得利智辨聰高才勇哲。鑒達六合。十方顚顛。此發勝智心行尼犍道。^八若

其心念念五塵六欲外樂益微。三禪之樂由如石泉。其樂內熏。此發梵心行色無色道。^九若其心念念知善惡輪環。凡夫耽湎。賢聖所訶。破惡由淨慧。淨慧由淨禪。淨禪由淨戒。尚此三法。如饑如渴。此發無漏心行二乘道。^十若心若道。其非甚多。畧舉十年。^結今疏欲具此十非。故於經文委曲而取耳。疏文中分二。先總明卽瑜伽意。後文中不求五事下。正釋經文。配成十非。然不必全爾。故致多言。以隨一煩惱。有三塗因故。又但取意畧明。但尋上引疏文。居然易了。但人天因。舍其三界。一人二欲天。

撰述

華嚴疏錄卷一

七

三上二界。餘文可知。有一乘下結成。則前九爲僞後一爲備也。

但爲永滅衆生苦利益世間而發心。常欲利樂諸衆生。莊嚴國土供養佛。受持正法修諸智。證菩提故而發心。深心信解常清淨。恭敬尊重一切佛。於法及僧亦如是。至誠供養而發心。

深信於佛及佛法。亦信佛子所行道。及信無上大菩提。菩薩以是初發心。

疏後三偈半直顯真正別釋因緣。於中初偈悲因

下救嚴土供佛。亦爲調生故滅苦是悲。利樂是慈。次一偈半大智土供。上二不二爲真正發心。後偈總結成信。兼信因行。其中對上四因四緣可以意得。鈔其中對上等者。深心信解及深信諸佛及佛法。卽第一種性具足因。恭敬尊重一切佛。卽第二賴佛菩薩攝受因。以恭敬故。但爲永滅衆生苦。卽第三多起悲心也。常欲利樂諸衆生。莊嚴國土供養佛。卽第四長時猛利難行苦行也。四因具矣。言四緣者。恭敬尊重一切佛者。以見聞神變威力。故卽第一緣。受持正法修諸智者。以聞法微妙故。

卽第二緣。又受持正法者。見法欲滅故。卽第三緣。但爲永滅衆生苦者。卽見生受惑業苦。是第四緣。見苦卽緣長悲卽因。故雖一文。因緣具足。此中四力不具。故不會之。

疏又上從不求五欲下。卽顯信心之德。故瓔珞經云。修十信心。須具十德。今文並具。但不次耳。一遭苦能忍。卽前反顯。二正顯中。初二句。卽慈悲深厚。三次句及莊嚴國土。卽修習善根。謂利他善及淨土。因故。四有三字。卽供養諸佛。五受持一句。志求勝法。六證菩提故。卽求佛智慧。七一句。卽深心平

等。八次二句。卽親近善友。九次二句。卽心常柔和。謂至誠供養。柔順於佛法。故十有二句。卽處樂大乘。十德備矣。鈔又上從不求五欲下。重解經文。以上來所釋。叅古德意。此下一向新意。不于舊解。文自有五。一約信德。經文五偈。應分爲二。初一偈標信發心。後四偈彰信之德。今文並具等者。彼經次云。一親近善友。二供養諸佛。三修習善根。四者志求勝法。五心常柔和。六遭苦能忍。七慈悲深厚。八深心平等。九處樂大乘。十求佛智慧。四有三字者。以供養佛字全同故。

撰述

華嚴疏錄卷一

七

校

疏又此十德卽求菩提之意下經休舍云欲教化調伏一切衆生盡無餘故發菩提心等鈔又此十德下二明菩提意而云發菩提心等者彼廣有文畧舉十四廣結無邊今但舉一以等十三謂二欲承事供養一切諸佛悉無餘故發菩提心其悉無餘下八字一一皆有三欲嚴淨一切諸佛國土四欲護持一切諸佛正教五欲成滿一切如來誓願六欲往一切諸佛國土七欲入一切諸佛衆會八欲知一切諸佛世界中諸劫次第九欲知一切衆生心海十欲知一切衆生根海十一欲知一切

衆生業海十二欲知一切衆生行海十三欲滅一切衆生煩惱海十四欲拔一切衆生煩惱習氣悉無餘故發菩提心善男子以要言之菩薩以如是等百萬阿僧祇方便行故發菩提心善男子菩薩行普入一切法皆證得故普入一切利悉嚴淨故是故善男子嚴淨一切世界盡我願乃盡拔一切衆生煩惱習氣盡我願乃滿釋曰上皆菩提心所爲也對今經文可以意得

疏又末後偈初句卽自性住佛性以信心佛衆生無差別故方是真法可謂深信次句卽引出佛性

後句卽至得果性。去鈔又末後下三約佛性。卽隨難重顯種性。具足三佛性義。卽佛性論第二卷。第3顯體分三因品。論云。復次佛性體有三種。三性所攝義。應知三種者。所謂三因。三種佛性。三因者。一應得因。二加行因。三圓滿因。初卽二空所顯真如。由此應得菩提心。乃至道後法身故。二加行因者。謂菩提心。由此心故。得三十七品。十度十地。乃至道後法身。三圓滿因者。卽加行因。由此故得一切圓滿三種佛性者。應得因中。具有三性。一住自性。性。二引出性。三至得果性。釋曰。住自性者。謂道

前凡夫位。引出性者。從發心已上。窮有學聖位。至得果性者。無學聖位。

疏又文有四弘。可以意得。去鈔又文有四弘等者。四約四弘也。文中不求五欲等。卽顯煩惱無邊誓願斷。但爲永滅衆生苦。卽衆生無邊誓願度。受持正法修諸智。卽法門無盡誓願學。證菩提故。卽佛道無上誓願成。去鈔又上云。誓願度。正證菩提。疏又上云深心信解常清淨者。與理相應。方曰深心。若昔染今淨。淨則必始。始卽必終。非常信也。信煩惱卽菩提。方爲常淨。由稱本性而發心故。本來

撰述

華嚴疏錄卷二

三

釋

是佛更無所進。如在虛空退至何所。慨衆生之迷此。起同體大悲。悼昔不知誓期。當證有悲。故不爲無邊所寂。有智故不爲有邊所動。不動不寂。直入中道。是謂真正發菩提心。鈔又上云等下五結歸真正。先顯真正菩提心體。有其三意。初約三心菩提。二約三觀。三約四弘。今初明大智心。次慨衆生迷此下。大悲心後。悼昔不知下。大願心。卽菩提心燈。大悲爲油。大願爲炷。光照法界。故上如次。卽直心。大悲心。深心也。二約三觀者。悲願爲假觀。前大智心中。直明本性清淨。卽是空觀。煩惱卽菩提。

本來是佛。卽中道觀。三約四弘者。初通立理。以是圓教四弘。故稱性明之。次信煩惱卽菩提下。別顯四弘。初卽煩惱無邊誓願斷。二由稱本性而發心。故下卽佛道無上誓願成。三慨衆生迷此下。衆生無邊誓願度。四悼昔不知下。法門無盡誓願學。此明四弘。卽指上四弘。上但指文。今將深心之言。會通此四。令圓妙耳。有悲故下。二正結歸。謂上雖多義。不出悲智。故今結之。卽結上疏文及經文耳。故止觀第五。明十法成乘中。第二真正發菩提心云。旣深識不思議境。一苦一切苦。自悲昔苦。起惑耽

撰述

李鼎所錄卷

三

卷

酒乃至云思惟彼我。觸痛自他。卽起大悲興兩誓。
 願衆生無邊誓願度。煩惱無邊誓願斷。衆生雖如
 虛空。誓度如空之衆生。雖知煩惱無所有。誓斷無
 所有之煩惱。上空觀雖知衆生甚多。而度多多
 之衆生。雖知煩惱無邊底。而斷無邊底之煩惱。假觀
 雖知衆生如佛。而度如佛之衆生。雖知煩惱如
 實相。而斷如實相之煩惱。中觀何者。若但拔苦因。
 拔苦果。此誓雜毒故。須觀空。若偏觀空。卽不見衆
 生可度。是名著空者。諸佛所不化。若偏見衆生可
 度。卽墮愛見大悲。非解脫道。今則非毒非偽。故名

爲真。非空邊非有邊。故名爲正。如鳥飛空。終不住
 空。雖不住空。跡不可尋。雖空而度。雖度而空。是故
 誓與虛空共闢。故名真。正發菩提心。釋曰。此上釋
 須三觀。所以又云。又識不思議心。一樂心。一切樂
 心。我及衆生。昔雖求樂。不知樂因。如執瓦礫。謂如意珠。妄指螢光。呼爲日月。今方始解。故起大悲。興
 兩誓。願謂法門無盡。誓願知無上佛道。誓願成。雖
 知法門永寂。如空。誓願修行永寂。雖知菩提無所
 有。無所有中。吾故求之。上即空觀雖知法門如空。
 無所有。而有誓願。畫繪莊嚴虛空。雖知佛道非成。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷

三

續

所成如空中種樹使得華果。名假觀也雖知法門及佛果非修非不修非證得非不證得以無所證而證而得。中觀是名非僞非毒名之爲真非空非前非後同時俱起慈悲卽智慧智慧卽慈悲無緣無念普覆一切任運拔苦自然與樂不同毒害不同但空同但空不同見是名真正發菩提心釋曰但觀上所引之文疏文居然易了卽撮其大意而爲此疏顯經深玄然此經上下菩提心義文理淵博見其撮畧故取而用之引而證之。

信爲道元功德母長養一切諸善法斷除疑網出憂流開示涅槃無上道

疏第二信爲道元下七頌畧示勝能於中初一頌總標次五頌別釋後一頌總結今初初句又標道有二義一果所謂菩提涅槃二因謂三賢十聖乘一直道元亦二義一本義菩提本故其猶滔滔之水始於濫觴二首義元者善之長也卽一因之初功德二義通因及果母有二義生長養育下三句共釋初句長養卽母二義亦道元義一切善法及第二句卽因功德第三句卽果功德無上道

1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

者卽大菩提。由信長善。得此菩提。由信斷疑。出處。
 成涅槃證。不信身心如來知見。豈能開示菩提涅槃。
 鈔一本義等者。意以本義爲果德元首。義爲因德元耳。言元者善之長也。卽周易乾卦文言。釋乾元亨利貞四德云。元者善之長也。亨者嘉之會也。利者義之和也。貞者事之幹也。君子體仁足以長仁。嘉會足以合禮。利物足以和義。貞固足以幹事。君子行此四德者。故曰乾元亨利貞。今但用其一字義耳。不信身心下。反成上義。知見相爲菩提。自知見性爲涅槃。故法華論釋。開佛知見爲無上義。

謂雙開菩提涅槃。

信無垢濁心清淨。滅除憍慢恭敬本。亦爲法藏第財。爲清淨手受衆行。

信能惠施心無怯。信能歡喜入佛法。信能增長智功德。信能必到如來地。

信令諸根淨明利。信力堅固無能壞。信能永滅煩惱本。信能專向佛功德。

信於境界無所著。遠離諸難得無難。信能超出衆魔路。示現無上解脫道。

信爲功德不壞種。信能生長菩提樹。信能增益最勝。

撰述

華嚴疏卷三

三

釋

智信能示現一切佛。

疏次信無垢濁下。別顯中有二十句。一句辨一勝能。一心淨爲性。故能翻不信濁。二信理普敬。故翻本僑慢。三十藏之內。信卽是藏。七聖財中信爲第一。四信手受取奉行。五信財如夢。故無所吝。六智論云。佛法大海。信爲能入。七增福智因。八到二嚴果。九十五根五力。各在初故。十一信本無惑方。斷惑根。十二若向餘德。不名淨信。十三信境本空。故無所著。十四正信之人。不生八難。十五非不正信。十六正信解脫。十七成不壞本。十八爲菩提根。十九

增佛勝智。二十究竟見佛。謂信自己心。自佛出現。信外諸佛。諸佛現前。故下經云。一切諸佛。從信心起。

是故依行說次第。信樂最勝甚難得。譬如一切世間中。而有隨意妙寶珠。疏三是故下。一偈總結勝能。前法後喻。信樂者。信三寶性已。於方便諸度。求欲修行。信樂二字。是菩薩正意。由此二故。於諸行有能。故名最勝。非佛不信。故云難得。喻如意珠。畧有五義。一勝義。法寶中王故。二希義。非佛輪王。餘無有故。三淨義。能清不

信濁故。四貴義出位行寶等不可盡故。五蘊義蘊衆德物無障礙故。鈔喻如意珠等者取與信相應義耳。若準寶性論寶有六義頌云真實。世希有。二明淨及勢力。四能莊嚴世間。五最上不變等。六今此勝義攝真實最上二義餘四則同。四即中勢力。五卽莊嚴或無莊嚴加此蘊義然疏五義皆具言舍法喻思之可知。

若常信奉於諸佛則能持戒修學處。若常持戒修學處則能具足諸功德。戒能開發菩提本學是勤修功德地於戒及學常順行。一切如來所稱美。

若常信奉於諸佛則能興集大供養。若能興集大供養。彼人信佛不思議。

疏第三。若常信奉下五十頌半廣明信中所具行位。然有二意。一行布。二圓融。古約圓融故名信中所具於中三初明所具行次辨所具位三結歎功德。今初八頌半分二先五頌明信三寶以成諸行後三頌半明信展轉以成諸行前中初三頌信佛成行初二句標章持戒惡止也修學處善行也。瑜伽云既發心已應於七處修學故名學處謂一

自利處。二利他處。三真實義處。四威力處。五成熟有情處。六成熟自佛法處。七無上正等菩提處。次一偈半。雙顯二德。若不持戒。尚不能得疥癩野干之身。況於菩提戒止妄非。則性淨菩提開發。因果功德皆依學處而生。故云地也。鈔尚不能得等者。卽薩遮尼捷子經第四。

疏後一偈。別明成供養行。謂財法供養。故云大也。若常信奉於尊法。則聞佛法無厭足。若聞佛法無厭足。彼人信法不思議。

疏次一信法。

若常信奉清淨僧。則得信心不退轉。若得信心不退轉。彼人信力無能動。

疏後一偈。信僧文並可知。

若得信力無能動。則得諸根淨明利。若得諸根淨明利。則能遠離惡知識。若能遠離惡知識。則能親近善知識。若能親近善知識。則能修習廣大善。若能修習廣大善。彼人成就大因力。則能殊勝決定解。若得殊勝決定解。則爲諸佛所護念。

疏一有三頌半成展轉行。展轉依前功歸於信。若爲諸佛所護念。則能發起菩提心。若得發起菩提心。則能勤修佛功德。若能勤修佛功德。則得生在如來家。則善修行巧方便。若善修行巧方便。則得信樂心清淨。若得信樂心清淨。則得增上最勝心。

疏二若爲諸佛下。三十九頌明所具諸位於中成後四位。卽爲四段。初三頌明十住位。有六句。初句發心住。次句治地修行二住。次句生貴住。次句

方便具足住。次句正心住。後句增上是不退住。最勝心是後三住。準下釋之。鈔初明十住者下。明諸位皆含義理。並如本品後句增上等者。由前正心。但聞讚歎不動。今聞無有利害更深。而心不退。故爲增上餘。當下文尋之。然皆隱位名存。其中行或合或開。或畧或廣。不全次第者。意明圓融信門。卽頓具故。亦猶離世間品六位頓成爲二千行。位頓修故。一向次第。但得行布一分義耳。若得增上最勝心。則常修習波羅蜜。若能具足摩訶若常修習波羅蜜。則能具足摩訶衍。若能具足摩訶

衍。則能如法供養佛。若能如法供養佛。則能念佛心不動。若能念佛心不動。則常覩見無量佛。

疏二。若得增上下二頌半。明十行位。波羅蜜是十行總名。摩訶衍是異二乘行。初二行收。如法供養是順理行。次二行攝念佛心不動。及常見佛。並是定慧行。故屬後六行。釋相可知。

若常覩見無量佛。則見如來體常住。若見如來體常住。則能知法永不滅。

若能知法永不滅。則得辨才無障礙。若能辨才無障礙。則能開演無邊法。

若能開演無邊法。則能慈愍度衆生。若能慈愍度衆生。則得堅固大悲心。

疏三。若常覩見下三頌。明十迴向位。通顯三種迴向。佛體常住。是向菩提。法永不滅。是向實際。餘向衆生。

若能堅固大悲心。則能愛樂甚深法。若能愛樂甚深法。則能捨離有爲過。疏二。半頌是離垢地。以離犯戒有爲過故。

疏四。若能堅固下三十頌半。明十地位。初半頌是初地。謂深法是所證真如。愛樂是極喜異名。

若能愛樂甚深法。則能捨離有爲過。

撰述

華嚴疏錄卷二

三

辨

若能捨離有爲過。則離憍慢及放逸。若離憍慢及放逸。則能兼利一切衆。

疏三一頌離慢等。是三四二地。以三地於禪不著。故無慢。又以求法不懈。亦名離慢。第四地得出世間道品。故云無放逸。然不捨攝生。故云兼利。

若能兼利一切衆。則處生死無疲厭。若處生死無疲厭。則能勇健無能勝。

疏四有一頌明五地。謂雖得出世。而還處生死。故無厭。眞俗互違。難合能合。餘地不過。故云勇健無能勝。此是難勝之名也。

若能勇健無能勝。則能發起大神通。若能發起大神通。則知一切衆生行。

疏五有一頌明第六地。悲智不住般若現前。謂神通攝物。是大悲行。知衆生行。是十二緣生。是大智行。

若知一切衆生行。則能成就諸羣生。若能成就諸羣生。則得善攝衆生智。

若得善攝衆生智。則能成就四攝法。若能成就四攝法。則與衆生無便利。若與衆生無便利。則具最勝智方便。

疏六二頌半明七地。謂初一明有中殊勝行。後一頌半明空中方便智。準釋可知。若具最勝智方便。則住勇猛無上道。若住勇猛無上道。則能摧殄諸魔力。

若能摧殄諸魔力。則能超出四魔境。若能超出四魔境。則得至於不退地。

若得至於不退地。則得無生深法忍。若得無生深法忍。則爲諸佛所授記。

疏七若具最勝下三頌明第八地。畧辨六義一道勝。謂無功用道。故云勇猛無上。二力勝。謂智力摧

魔三用勝。謂超四魔境。捨分段故。無蘊魔。無捨命故。無死魔。惑不現行。故超煩惱魔。覺佛十力。故超天魔。四位勝。不動地。故云不退也。五行勝。謂得無生忍。六因勝。謂此位中當大授記位也。

若得諸佛所授記。則一切佛現其前。若一切佛現其前。則了神通深密用。

若了神通深密用。則爲諸佛所憶念。若爲諸佛所憶念。則以佛德自莊嚴。

疏八二頌明第九地。作大法師。畧辨四義。一諸佛加持。名佛現前。二解了諸佛深密之法。三佛憶念。

增其慧力。四佛德自莊嚴爲衆說法。

若以佛德自莊嚴。則獲妙福端嚴身。若獲妙福端嚴身。則身晃耀如金山。

若得晃耀如金山。則相莊嚴三十二。若相莊嚴三十。二。則具隨好爲嚴飾。

若具隨好爲嚴飾。則身光明無限量。若身光明無限量。則不思議光莊嚴。

疏九。若以佛德下。十九頌明第十地位分五。初八頌三業殊勝德。初五身業於中前三頌明身體德殊勝。

若不思議光莊嚴。其光則出諸蓮華。其光若出諸蓮華。則無量佛坐華上。

示現十方靡不徧悉能調伏諸衆生。若能如是調衆生。則現無量神通力。

疏後二頌明身業大用。

若現無量神通力。則住不可思議土。演說不可思議法令。不思議衆歡喜。

疏次演說一頌語業勝說法益生。

若說不可思議法令。不思議衆歡喜。則以智慧辨才力。隨衆生心而化誘。

若以智慧辨才力。隨衆生心而化誘。則以智慧爲先導。身語意業恒無失。

疏後二頌意業勝智先導故。

若以智慧爲先導。身語意業恒無失。則其願力得自在。普隨諸趣而現身。

若其願力得自在。普隨諸趣而現身。則能爲衆說法時。音聲隨類難思議。

若能爲衆說法時。音聲隨類難思議。則於一切衆生心。一念悉知無有餘。

起。永不沒溺於生死。

疏二。若以智慧爲先。下四頌明三業廣大功。三輪空攝生德。初一頌身業。次一語業。後二意業。

若知煩惱無所起。永不沒溺於生死。則獲功德法性身。以法威力現世間。

若獲功德法性身。以法威力現世間。則獲十地十自在。修行諸度勝解脫。

疏三。若知煩惱下。二頌辨得法結位。

若得十地十自在。修行諸度勝解脫。則獲灌頂大神通。住於最勝諸三昧。

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏鈔卷二十一

若獲灌頂大神通。住於最勝諸三昧。則於十方諸佛所。應受灌頂而昇位。

若於十方諸佛所。應受灌頂而昇位。則蒙十方一切佛手。以甘露灌其頂。

疏四。若得十地下。三頌明三昧分。大盡分。受位分。並顯可知。

若蒙十方一切佛手。以甘露灌其頂。則身充徧如虛空。安住不動滿十方。

若身充徧如虛空。安住不動滿十方。則彼所行無與等。諸天世人莫能知。

疏五。若蒙下二頌。明大用難測。亦是釋名分事也。謂以法智雲。含衆德水。能蔽如空籠重故。又若蒙下二頌。亦是進入佛地也。

菩薩勤修大悲行。願度一切無不果。見聞聽受若供養靡不皆令獲安樂。彼諸大士威神力。法眼常全無缺減。十善妙行等諸道。無上勝寶皆令現。

疏第三。菩薩勤修下三頌。結歎其德。初二法說。後一喻。況前中賢首云。初二句悲願內滿。謂菩薩勤修等者。結前若字下義。無不果者。結前則字下義。

以若有彼。則有此。非是前後鉤鎖相因。唯是本位
信中。有此則有彼。同時具有。而說有前後。是故信
門。具足一切行位之相。然行雖無量。皆以悲願爲
首。故就此結之。次二句。明此悲願益物不空。次一
頌結前所具行位。初句舉人標法。威神卽信爲能
具之由。次句結能證智眼。證如如永常故。次句結
所證道。十善舉二地行。等取餘地。及餘位餘道。謂
教證等勝寶皆現。鈔以若有彼等者。據濫明此
是圓融義。纔得一位。卽得諸位。如十味香。纔燒一
丸如小芥子。十氣齊發。若有聞香。十味齊得。若得

沉氣時。則得檀氣。若得蘇合。則得龍腦等。十味充
藥。服者齊得。亦準此知。非如鉤鎖。由得於前方能
得後。非如涉路。若行一里。則得二里。若行二里。則
進三里。故此位中。不存位名。或開或合。正在於此。
思之思之。

譬如大海金剛聚。以彼威力生衆寶。無減無增。亦無
盡。菩薩功德聚亦然。疏後一頌。喻況。唯喻後偈。初句及威力。喻前初句。
信體堅固。以喻金剛。並居智海之內。以信威力能
生。所生衆寶。卽喻前第三句行位。第三句喻前法

撰述

華嚴疏錄卷之三

三

眼常全。

或有刹土無有佛。於彼示現成正覺。或有國土不知法。於彼爲說妙法藏。

無有分別無功用。於一念頃徧十方。如月光影靡不周。無量方便化羣生。

於彼十方世界中。念念示現成佛道。轉正法輪入寂滅。乃至舍利廣分布。

疏第四或有刹土下二百三頌。明無方大用分。彼能無邊大用者。由普賢德徧一切時處。法界無限故。畧辯十門三昧業用。一圓明海印三昧門。二華嚴妙行三昧門。三因陀羅網三昧門。四手出廣供三昧門。五現諸法門三昧門。六四攝攝生三昧門。七俯同世間三昧門。八毛光照益三昧門。九主伴嚴麗三昧門。十寂用無涯三昧門。以無不定心故。皆云三昧。作用不同。畧辯十種。又初門依體起用。末後明用不異體。中間並顯妙用自在。又十三昧

皆具此三。鈔畧辯十門等者。然還源觀立一體。二用。三徧。四德。五止。六觀。亦不出此。言一體者。卽自性清淨圓明體。卽通爲十定之體。言二用者。卽海印森羅常住用。卽此第一三昧。二法界圓明自

在用。卽華嚴三昧。言三徧者。一。一塵普周法界徧。二。一塵出生無盡徧。三。一塵含容空有徧。此三並是因陀羅網三昧門。言四德者。一。隨緣妙用無方徳。二。威儀住持有則徳。三。柔和質直攝生徳。四。普代衆生受菩徳。卽次下第六三昧門。言五止者。一。照法清虛離緣止。二。觀人寂怕絕欲止。三。性起繁興法爾止。四。定光顯現無念止。五。事理玄通非相止。言六觀者。一。攝境歸心真空觀。二。從心現境妙有觀。三。心境秘密圓融觀。四。智身影現衆緣觀。五。多身入一鏡像觀。六。主伴互現帝網觀。上之止觀。並是寂用無涯三昧門。故此十門無不收矣。廣釋一體六觀等。具如還源觀辨。

疏今初六頌明海印三昧文分爲二。前五別明業用周徧。後一總結大用所依。前中一初二佛事次一三乘。後一類餘。總顯十法界之化也。前中初一總明現佛說法。次一體用自在。初句揀非二義。一念無分別。二動無功用。下三句顯正二義。謂無念之念。一念徧於十方。無功之功。多門攝於羣品。月喻四義。準法可知。

或現聲聞獨覺道。或現成佛普莊嚴。如是開闡三乘

撰述

華嚴疏鈔卷二十一

三

教廣度衆生無量劫。

疏一一頌辯三乘。

或現童男童女形。天龍及以阿修羅乃至摩睺羅伽等。隨其所樂悉令現。

疏三有一頌類餘。

衆生形相各不同。行業音聲亦無量。如是一切皆能

現。海印三昧威神力。

疏後一結用所依海印之義。昔雖畧解。未盡其源。今以十義釋之。以表無盡之用。下經云如淨水中四兵像乃至莫不皆於水中現。又云海有希奇殊

特法。能爲一切平等印。衆生寶物及川流普悉包容無所拒。故大集十四云。如閻浮提一切衆生身。及餘外色。如是等色。海中皆有印像。以是故名大海爲印。菩薩亦爾。得大海印三昧。已能分別見一切衆生心行。於一切法門。皆得慧明。是爲菩薩得海印三昧。見一切衆生心行所趣。然此經文多同出現。但出現現於四天下像。又約佛菩提大集唯閻浮。約菩薩所得。然皆見心所趣等。了根器也。此文所現形類。應根器也。二文互舉。皆是所現。菩薩定心。以爲能現。

鈔下經云下。第一總明卽引當

經。及於他經。以示能現所現海印之相。言乃至莫不皆於水中現者。其中間云。各各別異。無交雜劍戟。弧矢類甚多。鎧胄車輿非一種。隨其所有相。差別。莫不皆於水中現。而水本自無分別。菩薩三昧亦如是。卽第十五經。又云。海有希奇等者。卽此卷中下。合云。無盡禪定解脫者。爲平等印。亦如是。福德智慧諸妙行。一切普修無厭足。大集十四下疏文分二。先正引。後解釋。前中。卽虛空藏菩薩品頭有一善男子言。此中亦爾。彼云。亦復如是。餘皆全同。然此經文下解釋。此卽此上大集也。出現四天

下像等者。文云。佛子譬如大海。普能印現四天下。中一切衆生色相形像。是故共說以爲大海。諸佛菩提亦復如是。普現一切衆生心念根性欲樂。而無所現。是故說名諸佛菩提。下偈文云。如海印現衆生心。以此說名爲大海。菩提普印諸心行。是故說名爲正覺。

疏言十義者。一。無心能現義。經云。無有功用無分別故。二。現無所現義。經云。如光影故。出現品云。普現一切衆生心念根性欲樂。而無所現故。三。能現與所現非一義。四。非異義。經云。大海能現能所異。

故非一水外求像不可得。故非異顯此定心與所現法卽性之相能所宛然卽相之性物我無二五無去來義水不上取物不下就而能顯現三昧之心亦爾現萬法於自心彼亦不來羅身雲於法界未曾斃去上之五義與鏡喻大同六廣大義經云徧十方故普悉包容無所拒故明三昧心同于法界則衆生色心皆定心中物用周法界亦不離此心七普現義經云一切皆能現故出現云菩提普印諸心行故此與廣大異者此約所現不揀巨細彼約能現其量普周又此約所現無類不現彼約

能現無行不修八頓現義經云一念現故謂無前後如印頓成九常現義非如明鏡有現不現時十非現現義非如明鏡對至方現經云現於四天下像故四兵羅空對而可現四天之像不對而現故云非現現也以不待對是故常現該三際也具上十義故稱海印諸佛窮究菩薩相似鈔經云徧十方者卽是今經於一念頃徧十方也普悉包含無所拒者卽指上引十義所引皆上總中所引之經及出現品文多易了但第十二云以不待對是故常現者此以第十釋成第九卽爲揀異由十成九

故云釋成。而九暨論。十是橫說。故爲揀也。

疏問仁王三賢。都無八相之文。初地方云。方生百三千。一時成正覺。此之八相。豈在信門。答卽上所引大集。亦云灌頂住菩薩。得佛神力。若菩薩成就如是等法。能於無佛世界。示現八相。乃至廣說。彼說在終。若占察經。漸次作佛。畧有四種。何等爲四。一者信滿法故作佛。所謂依種性地。決定信諸法不生不滅。清淨平等。無可願求故。二解滿作佛。三證滿作佛。謂淨心地。四一切功德行滿作佛。依究竟菩薩地起。信依此說。信成就發心。能八相作佛。

文據昭然。況圓融門中。不依位次。寄終教說。信滿卽能。因果無礙。以因門取。常是菩薩。以果門取。卽恒是佛。或雙存俱泯。自在難思。又此化現。非唯一位。依一類界。而能具攝。一切地位。徧於時處。故云念念徧十方也。鈔問仁王三賢下。問也。卽上卷菩薩教化品。經云。若菩薩住百佛國土中。作閻浮提王。王四天下。修百法明門。一諦平等心。化一切衆生。下偈云。善覺菩薩四天下。雙照二諦平等道。權化衆生遊百國。登一乘無相道。釋曰。此前更無成佛之文。答卽上所引下。第二答中有三。初指

60

1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷二

前引答。謂上引大集灌頂卽第十住。故云住終。則初賢已得八相。何得偏引仁王三賢無文。若占察經下。次引別文答。謂占察經作佛有四。初是信滿。正與今文相當。餘三因便故來耳。二解滿作佛。卽同前大集灌頂受位。三證滿者。初證名證滿。故云淨心地。卽初地故。四究竟菩薩地。卽第十地後。故起信云。菩薩地盡。覺心初起。心無初相。以遠離微細念故。得見心性。心卽常住。名究竟覺是也。起信依此下。上正引經。此方引論用信成就發心。卽第一信滿位論云。菩薩發是心故。則得少分見於法身。以見法身故。隨其願力。能現八種利益衆生。所謂從兜率天退入胎。住胎出胎出家成道。轉法輪入涅槃。卽八相之文也。況圓融門等者。三況出圓義也。則上所引尚是行布。以四位成佛深淺不同。故今初卽具後。故是圓融。今約信滿。猶寄終教說耳。因果無礙下。通伏難。謂有難云。若初卽後。應壞因果故。故爲此通明其無礙。正在因時。卽有因果中有因。隨門不同。名因名果。體無前後。故得圓融。雙存則亦因亦果。俱泯則果海離言。又此化現非唯等者。重揀前文。以圓融非唯一位。則顯具一切。

支那
華嚴疏錄卷二
身。以見法身故。隨其願力。能現八種利益衆生。所謂從兜率天退入胎。住胎出胎出家成道。轉法輪入涅槃。卽八相之文也。況圓融門等者。三況出圓義也。則上所引尚是行布。以四位成佛深淺不同。故今初卽具後。故是圓融。今約信滿。猶寄終教說耳。因果無礙下。通伏難。謂有難云。若初卽後。應壞因果故。故爲此通明其無礙。正在因時。卽有因果中有因。隨門不同。名因名果。體無前後。故得圓融。雙存則亦因亦果。俱泯則果海離言。又此化現非唯等者。重揀前文。以圓融非唯一位。則顯具一切。

機述

卷二

聖

地位。非依一類界。則顯徧於時處也。第一海印
三昧竟。
嚴淨不可思議利供養一切諸如來。放大光明無有
邊度。脫衆生亦無限。智慧自在不思議說法言辭無有礙。施戒忍進及禪
定。智慧方便神通等。

如是一切皆自在。以佛華嚴三昧力。

疏第二嚴淨下華嚴三昧文有十句。畧辨七行。前
六句各一行。七八是十度行。九結上自在。十總結
所依萬行。如華嚴法身故。餘如別說。鈔萬行等

者遺忘集說畧有十觀。一攝相歸真觀。二相盡證
實觀。三相盡無礙觀。四隨相攝生觀。五緣起相收
觀。六微細容攝觀。七多相卽觀。八帝網重重觀。
九王伴圓融觀。十果海平等觀。然此十觀融四法
界。初二理法界。始終不異。三卽事理無礙法界。四
卽事法界。次五卽事事無礙法界。五卽一多相容
不同門。六卽微細相容安立門。七卽諸法相卽自
在門。八卽因陀羅網境界門。九卽王伴圓融具德
門。其第十觀果海絕言通爲前四之極。則四法界
十種玄門。皆約因分。然此十觀畧收萬類。不異玄

撰述

華嚴疏錄卷二十一

中故指在餘文釋題中廣顯華嚴義竟。又還源觀
釋云廣修萬行稱實成德普周法界而證菩提如
華有結實之用行有因果之能今則託事表彰所
以舉華爲喻嚴者行成魁果契理稱真性相兩亡
能所俱絕顯煥炳著故名嚴也良以非真流之行
無以契真何有飾真之行不從真起斯則真該妄
未行無不修妄徹真源相無不寂故曰法界自在
圓明無礙用爲華嚴三昧也若更總釋總以萬行
嚴於法界成於法身爲華嚴也行有行布圓融成
佛亦有十身總別別如普眼長者以十波羅蜜嚴

成十身融如八地一念之中十度圓修成佛之時
十身無礙故曰華嚴餘如題中第一華嚴三昧
竟

一微塵中入三昧成就一切微塵定而彼微塵亦不
增於一普現難思利

彼一塵內衆多利或有有佛或無佛或有雜染或清
淨或有廣大或狹小
或復有成或有壞或有正住或傍住或如曠野熱時
焰或如天上因陀網
如一塵中所示現一切微塵悉亦然此大名稱諸聖

人三昧解脫神通力。

疏第三。一微塵中下四頌明因陀羅網三昧門於中初二句標定心境然有二意。一由一多相卽故入一定能成多定由成多定令一塵內有一切塵。一一塵中兇一切利。二但令一塵現利一切亦爾。故云成就一切微塵定次二句明不壞相而普現故云不增次二頌明一塵中所現利相無礙如焰重現如帝網次半頌舉一例餘亦有二意一例上一塵之內所具之塵二例如一塵入定示現餘塵入定示現亦然鈔次半頌者前意對前第一意

既一塵之中有多塵向來方說一塵攝利今方說塵內所具餘塵攝利後意對前第二意此所例塵非前塵內是前塵外徧法界中塵也。

疏後二句結用所因畧辨三門一三昧力此同標中二不思議解脫力如不思議品云於一塵中現三世佛刹等三神通力謂幻通自在並如下說。

三因陀羅網三昧門竟。

若欲供養一切佛入於三昧起神變能以一手徧一千普供一切諸如來十方所有勝妙華塗香末香無價寶如是皆從手中

釋迦

聖教疏鑑卷二

出供養道樹諸最勝。無價寶衣雜妙香。寶幢幡蓋皆嚴好。真金爲華寶爲帳。莫不皆從掌中雨。

十方所有諸妙物。應可奉獻無上尊。掌中悉雨無不備。菩提樹前持供佛。

十方一切諸妓樂。鐘鼓琴瑟非一類。悉奏和雅妙音聲。靡不從於掌中出。

十方所有諸讚頌。稱歎如來實功德。如是種種妙言辭。皆從掌內而開演。

菩薩右手放淨光。光中香水從空雨。普灑十方諸佛

土供養一切照世燈。

又放光明妙莊嚴。出生無量寶蓮華。其華色相皆殊妙。以此供養於諸佛。

又放光明華莊嚴。種種妙華集爲帳。普散十方諸國土。供養一切大德尊。

又放光明香莊嚴。種種妙香集爲帳。普散十方諸國土。供養一切大德尊。

又放光明衣莊嚴。種種名衣集爲帳。普散十方諸國土。供養一切大德尊。

撰述

華嚴疏金卷二

四

土供養一切大德尊。又放光明寶莊嚴種種妙寶集爲帳。普散十方諸國土供養一切大德尊。又放光明蓮莊嚴種種蓮華集爲帳。普散十方諸國土供養一切大德尊。又放光明瓔莊嚴種種妙瓔集爲帳。普散十方諸國土供養一切大德尊。又放光明幢莊嚴其幢絢煥備衆色種種無量皆殊好。以此莊嚴諸佛土。

種種雜寶莊嚴益衆妙繒幡共垂飾。摩尼寶鐸演佛

音執持供養諸如來手出供具難思議。如是供養一導師。一切佛所皆如是。大士三昧神通力。

疏第四若欲下十八頌明手出廣供三昧門。初一總標後一通結中間別顯欲顯勝妙畧舉一手爲供所依由於昔時以手持供供佛施人稱周法界故令真流供具等諸佛之難思鈔由於昔時等者此出因也供佛施人約其施行稱周法界約其施心入深觀故令真流等者顯今果也真流供具顯出供時心以稱法界手出供具故等諸佛之

撰述

聖嚴面鏡卷二

聖

難思者稱因境也。因雖尊勝心不稱境。非真供養。由稱真之因。感稱真之果。能供真佛之境。四手出廣供三昧門竟。

菩薩住在三昧中。種種自在攝衆生。悉以所行功德法。無量方便而開誘。

疏第五菩薩住下八頌。明現諸法門三昧門分四初一總標多門。

或以供養如來門。或以難思布施門。或以頭陀持戒門。或以不動堪忍門。或以苦行精進門。或以寂靜禪定門。或以決了智慧門。或以所行方便門。

或以梵住神通門。或以四攝利益門。或以福智莊嚴門。或以因緣解脫門。

或以根力正道門。或以聲聞解脫門。或以獨覺清淨門。或以大乘自在門。或以無我壽者門。或以不淨離欲門。或以滅盡三昧門。

疏二有五頌。別顯二十種門。供等卽門。通入佛果故。隨諸衆生病不同。悉以法藥而對治。隨諸衆生心所

樂悉以方便而滿足。

隨諸衆生行差別。悉以善巧而成就。

疏三一頌半結多所因。由四悉檀故。初半對治。次半世界隨行差別。卽當爲人而成就言。謂第一義。鈔初半對治者。對治文顯。隨心所樂爲世界者。順心令喜故。隨行差別。卽當爲人者。心行不同。生善異故。如云心寂靜。應教禪定。若心明利。爲說智慧。悉以善巧而成就。文則連上屬於爲人。謂第一義者。謂要見理。見理方得名成就耳。又成就言。通於上三。前三悉檀皆爲見理故。

如是三昧神通相。一切天人莫能測。

疏四半頌。結用難測。五現諸法門三昧門竟。

有妙三昧名隨樂。菩薩住此普觀察。隨宜示現度衆生。悉使歡心從法化。

疏第六。有妙下十七頌。明四攝攝生三昧門。文分爲二。初一偈總標名用。

劫中饑饉災難時。悉與世間諸樂具。隨其所欲皆令滿。普爲衆生作饒益。或以飲食上好味。寶衣嚴具。衆妙物。乃至王位皆能捨。令好施者悉從化。

撰述

華嚴疏金卷二

或以相好莊嚴身。二妙衣服寶瓔珞。華鬘爲飾香全體。威儀具足度衆生。

一切世間所好尚。色相顏容及衣服。隨應普現。愜其心。俾樂色者皆從道。

疏餘頌別顯於中分四。初四頌布施攝。初一偈半。求受用者。恣其所須。次半偈。求自在者。施以王位。又此施位卽難行施。以是可愛著故。次偈身行法施。後偈妙色悅心。是無畏施。又後二偈初身行法儀。後服世妙飾。貴悅物心。隨求卽與。鈔布施攝中。前二偈有兩重釋。先約財施。所須王位。皆屬外

財故。王位兼於身命。亦屬內財。又此施位下。第二重釋。次半偈可愛著物。卽三種難行之一。次法及無畏。兼前財三。爲一切施。又將後二屬於遂求。然準瑜伽六度四攝。各有九門。頌云。自性一切難。一切門善士。一切種遂求。二世樂清淨。自性皆一。一切或二。或三。難行皆三。一切門皆四。善士皆五。一切種皆六。遂求皆七。皆八。二世樂皆九。清淨皆十。四攝卽當三十三卷。至十行品更說其相。今疏言卽難行者。以難行有三。一物少自在施。二可愛著物施。三極大艱難獲財施。今當第二難也。又後二

偈者。是遂求施。遂求有八。一。匱乏飲食而求乞者。施以飲食。二。匱乏車乘而求乞者。施以車乘。三。匱衣服。四。嚴具。五。資生什物。六。種種金飾香鬘。七。舍宅。八。光明。皆如初二句。會文可知。

迦陵頻伽美妙音。俱枳羅等妙音聲。種種梵音皆具足。隨其心樂爲說法。

八萬四千諸法門。諸佛以此度衆生。彼亦如其差別法。隨世所宜而化度。

疏次二頌。一。慶悅。二。愛語。三。勝益。四。慶悅。五。勝益。六。愛語。七。勝益。八。慶悅。九。愛語。十。勝益。十一。慶悅。十二。愛語。謂慰喻慶悅勝益之言。鈔一切愛語等者下。所列卽三愛語。一。慰喻

愛語。二。慶悅。三。勝益。

疏言種種梵音者。卽八種梵音。一。最好聲。其音清雅。如迦陵鳥。二。易了聲。言辭辯了。三。和調。四。柔軟。五。不誤。六。不女。七。尊慧。八。深遠。言俱枳羅者。亦云都吒迦。此云衆音合和。微妙最勝。皆愛語之具。隨眾心說法。應在後偈。隨世所宜。應在前偈。以瑜伽一切愛語畧有二種。一。隨世儀軌語。二。順正法教語。今開示佛說八萬法門。卽順正教也。鈔言種種梵音者。文中具列。初二疏釋。後六但標若釋。應云三調和。謂大小得中。四柔軟者。言無罷廣。五不誤。

者言無錯誤。六不女者。其聲雄朗。七尊慧者。言無戰懼。八深遠者。脣輪發聲。隨心等者。以後偈說。八萬法門。是順正法教語。故應合云。隨心爲說。前偈種種樂音。故是隨世儀軌。合言隨世所宜而化誘。衆生苦樂利衰等。一切世間所作法。悉能應現同其事。以此普度諸衆生。

一切世間衆苦患深廣無涯如大海。與彼同事悉能忍。令其利益得安樂。

疏三有二頌明同事攝。物見菩薩俯同其事。知有義利而修行故。於中初頌一切同事。八風等事。皆

悉同故。後偈難行同事。忍於諸苦而同事故。初頌一切同事者。瑜伽同事。不舉別相。但同上利行。卽名同事。故利行居先。則事同利衰等。爲一切也。等取毀譽稱譏苦樂。忍於諸苦等者。難行有三亦無別相。卽同三利行。爲三難行同事。謂一諸未行。勝善根因。諸有情所行利行。二現在貌著廣大財位。衆具圓滿。諸有情所行利行。三於外道本異邪見邪行所行利行。同事例耳。今於上三同事。皆須忍苦。

若有不識出離法。不求解脫離誼。憤菩薩爲現捨國

財常樂出家心寂靜。

家是貪憂繫縛所欲使衆生悉免離故示出家得解脫於諸欲樂無所受。

疏四有八頌明利行攝謂說趣義利之行以益有情於中初二偈一切利行此有三種一於現法利勸導利行謂令以德業招守財位以益近故經文畧無二於後法利行謂勸捨財位清淨出家卽當初偈三於現法後法利行謂勸離欲卽後偈也又初一偈卽難行利行此自有三一不識出離卽外道異執二不求解脫卽未種善因三現捨國財誘

耽財位於此利行是謂難行。

菩薩示行十種行亦行一切大人法諸仙行等悉無

餘爲欲利益衆生故

疏次一偈初句卽攝二利行一卽十種清淨利行也二令離十惡卽此世他世樂利行次三句卽善士利行慈心勸導等故鈔一卽十種等者謂一

依外清淨有五二依內清淨有五依外五者一無罪利行二不轉利行三漸次四徧行五如應論廣釋其相依內五者一謂諸菩薩於諸有情起廣大悲意樂現前而行利行二諸菩薩於諸有情所作

義利雖受一切大苦劬勞。而心無倦。深心歡喜。爲諸有情。而行利行。三安處最勝。第一財位。而自謙下。如子如僕。及離憍慢。而行利行。四心無愛染。無有虛偽。真實哀愍。而行利行。五起畢竟無復退轉。慈愍之心。而行利行。次三句。卽善士利行者。善士有五。一於真實義勸導。有情。二於應時勸導。三於能行攝勝妙義勸導。四於有情柔軟勸導。五於有情慈心勸導。此之五相。皆是大人之法。慈心勸導。舉後等初。

若有衆生壽無量。煩惱微細樂具足。菩薩於中得自在。示受老病死衆患。

或有貪欲瞋恚癡。煩惱猛火常熾然。菩薩爲現老病死。令彼衆生悉調伏。

疏次二偈。卽遂求利行。謂衆生爲八纏所繞。開解令離。故名遂求。初偈卽化無愧纏。以恃壽長不知進修。不知此身。但姪欲生。終竟敗壞。具諸煩惱。故後偈開解無慚纏。衆生餘畧不具。鈔初爲八纏者。論云。此畧有八。謂諸菩薩見諸有情。於應慚處。爲無慚纏之所纏。繞方便開解令離。彼纏一無慚纏。二無愧。三昏沉。四睡眠。五掉舉。六惡作。七嫉。八

慳。皆如無慚纏說。

如來十力無所畏。及以十八不共法。所有無量諸功德。悉以示現度衆生。記心教誠及神足。悉是如來自在用。彼諸大士皆示現。能使衆生盡調伏。

疏次二偈卽一切種利行。初偈卽應攝受者而攝受之後。偈卽應調伏者而調伏等。鈔卽一切種利行者。彼說或六或七總有十三六者。一應攝受者正攝受之。二應調伏者正調伏之。三憎背聖教者除其恚惱。四處中住者令入聖教。五於三乘中令其成熟。六已成熟者令得解脫。云何七種。謂諸菩薩安處一分所化有情。於善資糧守護長養。所謂一依下乘出離。二依大乘出離。三於遠離。四於心一境性。五於清淨諸障。六於二乘而正安處。七於無上正等菩提而得安處。

菩薩種種方便門。隨順世法度衆生。譬如蓮華不著水。如是在世令深信。中華以子禮文。與妻吉麻正。疏後一偈卽一切門利行。謂不信令信故。亦總結諸利行也。鈔後一偈卽一切門等者。此畧有四。一不信令信。二犯戒有情令戒圓滿。三惡慧有情。

撰述

華嚴疏金卷

三

藏

令慧圓滿。四慳惄有情於捨圓滿。今疏文中。畧舉其一。

疏瑜伽廣說利行居先。畧明同事居後。此則先畧明同事者。以利行中。若以行勸修。與處語相近。若自示行。卽同事相近。同事卽是利行。利行未必同事。此二相近。廣畧互影耳。又次下三昧。亦同事故。六四攝攝生三昧門竟。

雅思淵才文中王。歌舞談說衆所欣。一切世間衆技術。譬如幻師無不現。

臣或作良醫善衆論。或於曠野作大樹。或爲良藥衆寶藏。或作寶珠隨所求。或以正道示衆生。若見世界始成立。衆生未有資身具。是時菩薩爲工匠。爲之示現種種業。不作逼惱衆生物。但說利益世間事。咒術藥草等衆論。如是所有皆能說。一切仙人殊勝行人天等類同信仰。如是難行苦行法。菩薩隨應悉能作。疏第七雅思下十七頌。俯同世間三昧門。於中三。

初六身同世間利益衆生。若依若正。無不示爲。或作外道出家人。或在山林自勤苦。或露形體無衣服。而於彼衆作師長。或現邪命種種行。青行非法以爲勝。或現梵志諸威儀。於彼衆中爲上首。

或受五熱隨日轉。或持牛狗及鹿戒。或著壞衣奉事火爲化。是等作導師。

或有示謁諸天廟。或復示入恒河水。食根果等悉示行。於彼常思已勝法。或現蹲踞或翹足。或卧草棘及灰上。或復卧杵求出。

離而於彼衆作師首。如是等類諸外道。觀其意解與同事。所示誓行世靡堪。今彼見已。皆調伏。

疏次六示同外道。救彼邪黨。初五別辯。後一總結。義如別說。

衆生迷惑邪教。住於惡見。受衆苦。爲其方便說妙法。悉令得解真實諦。

疏三衆生迷惑下五頌。明語業大用。初一總明。次

三別顯。後一總結。

或邊咒語說四諦。或善密語說四諦。或人直語說四

釋迦

聖經金言卷之十一

三

諦。或天密語說四諦。

分別文字說四諦。決定義理說四諦。善破於他說四諦。非外所動說四諦。

或八部語說四諦。或一切語說四諦。隨彼所解語言。爲說四諦。令解脫。

疏次別中云。或邊咒語者。梵云達邏鼻荼曼達邏鉢底禪。言達邏鼻荼者。是南印度中邊國名也。此云消融。曼達邏者咒也。鉢底禪者句也。謂其國人稟性純質。凡所出言。皆成神咒。若隣國侵害。不用兵仗。但以言破之。彼自喪滅。故曰消融咒句也。或

云。唯童男童女方得言成咒句。餘不得也。又天密語等者。婆沙七十九說。世尊有時爲四天王。以聖語說四諦。二王領解。二不能解。世尊憐愍故。以南印度邊國俗語說四諦。二天王中。一解一不解。世尊憐愍故。復以一種箇戾車語說四聖諦。時四天王皆得領解。鈔婆沙七十九者。彼云毘奈耶說。世尊有時爲四天王。以南印度邊國俗語說四聖諦。謂鑿泥迷泥瑜部達牒刺。箇戾車語說四聖諦。謂摩奢都奢僧攝摩薩縛怛囉毘刺達論引淨名圓音爲難。下釋有七。一云有作是說。佛以聖語說。

1 2 3 4 5 6 7 8 9

10

1 2 3 4 5 6 7 8 9 80 1 2 3 4 5 6 7 8 9

四聖諦能令一切所化有情皆得領解。何以作此等諸說答。爲滿彼意故。彼天欲聞故。下並取意引之。復次世尊欲顯於諸言音。皆能善解故。爲有疑佛不能餘語等三復次有所化者。依佛不變形言而得受化。有所作者。依佛轉變形言而受化者。四復有說者。佛以一音說四聖諦。不能令一切所化有情皆得領解。世尊雖有自在神力。而於境界不能改越。如不能令耳見諸色等通圓音云。答不須通。非三藏故。諸讚佛頌言多過實。如常在定不睡眠等。皆過實也。五復次如來言音偏諸聲境。隨

大所欲語。皆能作之。故復伽陀作如是說。六復次佛語輕利速疾轉故。故云佛以一音演說法。衆生各各隨所解。七復次如來言音雖有多種。而同有益。故說一音。釋曰。然上七解。前三可通。後四淺近。卽彼小乘三藏說故。箋戾車者。三藏云惡中惡。亦云奴中奴。皆義翻耳。

疏善破於他者。以因明比量等。真能破故。非外所動者。真能立故。不爲他破。動者。真能立故。不爲他破。議是名說法三昧力。

釋迦

聖經卷一

疏後一偈類結。非唯說四諦六度萬行等皆然。一心說法得語實性能起隨類之用。名三昧力。七俯同世間三昧門竟。

平湖信官劉廷元全室沈氏男亮采捨資八兩
刻此

賢首品一卷伏願元祉彌介遐笑無彊繩武繁滋履旋廸吉永爲法門之外護深種華嚴之信

谷源

大方廣佛華嚴經疏鈔卷十四之二 終

大方廣佛華嚴經疏鈔卷十五

于闐國三藏沙門實叉難陀譯

賢首品第十二之二

有勝三昧名安樂能普救度諸羣生放大光明不思議令其見者悉調伏。

疏第八有勝三昧下八十九頌半明毛光照益三昧門智契解脫之門慈薰身語意業故得身同法界大用無涯毛光觸物爲益萬品徧於時處緣者會之是謂菩薩圓建立衆生也文分爲五初一頌

標門總辯。二所放光明下別明一毛光明業用。三如一毛下類顯一切毛光業用。四如其本行下釋成分齊。五若有聞下聞信光益。今初就所益說故名安樂。鈔智辨等者總出光明之因具悲智故先此上一句約智亦約表釋謂毛孔表解脫門光明表智慧故。二正明智慧故云智辨解脫之門慈熏等者約悲智釋以菩薩曠劫慈悲熏修三業故。

青霞山大華嚴寺主法師著解脫門

卷十五

所放光明名善現若有衆生遇此光必令獲益不唐捐因是得成無上智。

彼先示現於諸佛示法示僧示正道亦示佛塔及形像是故得成此光明。

疏就第二段中二初畧辨四十四門光用後如是等下結畧顯廣就四十四光中皆有四義一標光名二辯光用三出光因四結光果類例相從分爲十段五對初有二光顯示三寶二有四光令發大心上二卽三寶四弘對三有二光總圓福智四有二光入理持法上卽二嚴二持對五有六光六度行圓六有七光四等救攝卽六度四等對七有一光總彰三學八有八光雜彰萬行供養爲先爲三

學萬行對。尤有六光令六根內淨。動與理會。十有六光明。六塵外淨。觸境皆道。卽根清境淨對。今初二光中。前一顯現於中。初句標名。以近初標。但云所放。不言又放。次三句辯用。後偈辯因中示三寶。令其正歸。示正道。令其正向。上通一體。及別相三寶。亦示佛塔。令其正信。義兼住持。

又放光明。名照曜。映蔽一切諸天光。所有暗障靡不除。普爲衆生作饒益。

此光覺悟一切衆。令執燈明供養佛。以燈供養諸佛。故得成世中無上燈。

燃諸油燈及蘇燈。亦然種種諸明炬。衆香妙藥上寶燭。以是供佛。獲此光。

疏後一光照曜用。

廿七句。一偈辯因。並顯可知。

又放光明。名濟度此。能覺一切衆。令其普發大誓心。度脫欲海諸羣生。

若能普發大誓心。度脫欲海諸羣生。則能越度四瀑流。示導無憂解脫城。

於諸行路大水處。造立橋梁及船筏。毀誓有爲讚寂滅。是故得成此光明。

疏第二四光。令發大心中卽四弘願也。初一令衆

生無邊誓願度。因中興有爲而毀有爲。

又放光明名滅愛。此光能覺一切衆。令其捨離於五欲。專思解脫妙法味。

若能捨離於五欲。專思解脫妙法味。則能以佛甘露雨。普滅世間諸渴愛。

惠施池井及泉流。專求無上菩提道。毀誓五欲讚禪定。是故得成此光明。

疏二二光。令煩惱無邊誓願斷。因中興有爲而讚禪定。上二皆事理兼修。

又放光明名歡喜。此光能覺一切衆。令其愛慕佛菩

提。發心願證無師道。

造立如來大悲像。衆相莊嚴坐華座。恒歎最勝諸功德。是故得成此光明。

疏三上欣佛果。

又放光明名愛樂。此光能覺一切衆。令其心樂於諸佛。及以樂法樂衆僧。

若常心樂於諸佛。及以樂法樂衆僧。則在如來衆會中。建成無上深法忍。

開悟衆生無有量。普使念佛法僧寶。及示發心功德行。是故得成此光明。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

四處樂三寶窮盡法門。因中四弘之終。故總云及示發心功德。

又放光明名福聚。此尤能覺一切衆。令行種種無量施。以此願求無上道。

設大施會無遮限。有不求者皆滿足。不令其心有所乏。是故得成此光明。

又放光明名具智。此尤能覺一切衆。令於一法一念中悉解無量諸法門。

爲諸衆生分別法。及以決了真實義。善說法義無虧減。是故得成此光明。

疏第三有二光。總圓福智。智因中分別法相。決了真理。無虧理事。不減佛法。故得一念悉解多門。又放光明名慧燈。此光能覺一切衆。令知衆生性空寂。一切諸法無所有。演說諸法空無主。如幻如焰。水中月。乃至猶如夢影。是故得成此光明。又放光明名淨土。令諸賢聖。恭敬供養持法者。給侍守護諸賢聖。以種種法施衆生。是故得成此光明。

疏第四二光入理持法。初一慧入二空。卽義持也。
後一具四總持。於法自在。鈔後一具四總持者。
一法持。二義持。三咒持。四無生忍持。七地廣說。四
持並具。何不自在。

又放光明名能捨。此光覺悟慳衆生。令知財寶悉非
常。恒樂惠施心無著。

慳心難調而能調。解財如夢如浮雲。增長惠施清淨
心。是故得成此光明。

又放光明名除熱。此光能覺毀禁者。普使受持清淨
戒。發心願證無師道。

勸引衆生受持戒。十善業道悉清淨。又令發向菩提
心。是故得成此光明。

又放光明名忍嚴。此光覺悟瞋恚者。令彼除瞋離我
慢。常樂忍辱柔和法。

衆生暴惡難可忍。爲菩提故心不動。常樂稱揚忍功
德。是故得成此光明。

又放光明名勇猛。此光覺悟懶惰者。令彼常於三寶
中恭敬供養無疲厭。

若彼常於三寶中恭敬供養無疲厭。則能超出四魔
境。速成無上佛菩提。

勸化衆生令進策。常勤供養於三寶。法欲滅時專守。是故得成此光明。

又放光明名寂靜。此光能覺亂意者。令其遠離貪恚癡心。不動搖而正定。

捨離一切惡知識。無義談說雜染行。讚歎禪定阿蘭若。是故得成此光明。

又放光明名慧嚴。此光覺悟愚迷者。令其證諦解緣起。諸根智慧悉通達。

若能證諦解緣起。諸根智慧悉通達。則得日燈三昧法。智慧光明成佛果。

國財及已皆能捨。爲菩提故求正法。聞已專勤爲衆說。是故得成此光明。

疏第五六度光中戒因中云。發大心者。謂若發二乘心。則破淨戒。大心導善。不在人天。勤策萬行。慧爲上首。各加一偈。餘可思之。

又放光明名佛慧。此光覺悟諸含識。令見無量無邊佛。各各坐寶蓮華上。

讚佛威德及解脫。說佛自在無有量。顯示佛力及神通。是故得成此光明。

疏第六有七光。四等救攝中。初一慈光與佛慧真

撰述

聖教真言卷十五

1 2 3 4 5 6 7 8 9

9

樂。見無量佛。此有二義。一見事佛真樂。因故。二見心佛。一心華。有覺性故。

又放光明。名無畏。此光照觸恐怖者。非人所持諸毒害。一切皆令疾除滅。

能於衆生施無畏。遇有惱害。皆勸止。拯濟厄難。孤窮者。以是得成此光明。

疏次三悲光拔苦。初一厄難苦。

又放光明。名安隱。此光能照疾病者。令除一切諸苦痛。悉得正定三昧樂。

施以良藥。救衆患。妙寶延命香全體。酥油乳蜜充飲食。以是得成此光明。

疏次一疾病苦。

又放光明。名見佛。此光覺悟將歿者。令隨憶念見如來。命終得生其淨國。見有臨終勸念佛。又示尊像令瞻敬。俾於佛所深歸仰。是故得成此光明。

疏後一死苦。令見佛者。一捨命不恐。一惡道不畏。又要臨終勸者。智論二十八云。臨終少時。能勝終身行力。以猛利故。如火如毒。依西域法。有欲捨命者。令面向西。於前安一立像。亦面向西。以幡頭挂

撰述

聖嚴師金卷十五

像手指令病人手捉幡脚。口稱佛名。作隨佛往生淨土之意。兼與燒香鳴磬。助稱佛名。若能行此。非直亡者得生佛前。抑亦終成見佛光也。若神游大方。去留無礙者。置之言外。不爾。勉旃斯行。又放光明名樂法。此光能覺一切衆。令於正法常欣樂。聽聞演說及書寫。法欲盡時能演說。力求法者意充滿於法變樂勤修行。是故得成此光明。又放光明名妙音。此光開悟諸菩薩。能令三界所有聲。聞者皆是如來音。

以大音聲稱讚佛。及施鈴鐸諸音樂。普使世間聞佛音。是故得成此光明。

疏次二光令生法喜。初則欣法聽說。法喜已充終。則觸境無非佛法成喜之極。又放光明施甘露。此光開悟一切衆。令捨一切放逸行。具足修習諸功德。說有爲法。非安隱。無量苦惱悉充徧恒樂。稱揚寂滅樂。是故得成此光明。

疏後一令成大捨。捨除放逸衆惑之根。又放光明名最勝。此光開悟一切衆。令於佛所普聽。

撰述

華嚴疏金卷十五

聞戒定智慧增上法。常樂稱揚一切佛勝戒。勝定殊勝慧。如是爲求無上道。是故得成此光明。

疏第七一光總彰萬行三學攝盡故曰普聞。又放光明名寶嚴。此光能覺一切衆。令得寶藏無窮盡。以此供養諸如來。以諸種種上妙寶奉施於佛及佛塔。亦以惠施諸貧乏。是故得成此光明。

又放光明名香嚴。此光能覺一切衆。令其聞者悅可意。決定當成佛功德。

人天妙香以塗地供養一切最勝王。亦以造塔及佛像。是故得成此光明。

本以微妙妓樂音。衆香妙華幢蓋等。種種莊嚴供養佛。是故得成此光明。

又放光明名嚴潔。令地平坦。猶如掌。莊嚴佛塔及其處。是故得成此光明。

又放光明名大雲。能起香雲雨香水。以水灑塔及庭院。是故得成此光雲。

撰述

華嚴疏錄卷十五

疏第八八光雜明諸行供養爲先前五供敬田。又放光明名嚴具令衆形者得上服嚴身妙物而爲施是故得成此光明。

又放光明名上味能令饑者獲美食種種珍饌而爲施是故得成此光明。

又放光明名大財令貧乏者獲寶藏以無盡物施三寶是故得成此光明。

又放光明眼清淨能令盲者見衆色以燈施佛及佛塔是故得成此光明。

又放光明耳清淨能令聾者悉善聽鼓樂娛佛及佛塔是故得成此光明。

又放光明鼻清淨昔未聞香皆得聞以香施佛及佛塔是故得成此光明。

又放光明舌清淨能以美音稱讚佛永除麤惡不善語是故得成此光明。

又放光明身清淨諸根缺者令具足以身禮佛及佛塔是故得成此光明。

又放光明意清淨令失心者得正念修行三昧悉自在是故得成此光明。

疏第九六光內淨六根

又放光明色清淨。令見難思諸佛色。以衆妙色莊嚴塔。是故得成此光明。

又放光明聲清淨。令知聲性本空寂。觀聲緣起如谷響。是故得成此光明。

又放光名香清淨。令諸臭穢悉香潔。香水洗塔菩提樹。是故得成此光明。

又放光名味清淨能除一切味中毒。恒供佛僧及父母。是故得成此光明。

又放光名觸清淨能令惡觸皆柔軟。戈錘劍戟從空雨。皆令變作妙華鬘。

以昔曾於道路中。拿香散華布衣服。迎送如來令踏上。是故今獲光如是。

又放光明法清淨能令一切諸毛孔悉演妙法不思議。衆生聽者咸欣悟。

因緣所生無有生諸佛法身非是身法性常住如虛空以說其義。光如是。

疏第十六光外清六境文並可知。戈者平頭戟也。鉞者小矛也。

如是等比光明門。如恒河沙無限數。悉從大仙毛孔。

出。一一作業各差別。

疏第二如是等比下結界顯廣一毛之用光有塵沙。

如一毛孔所放光無量無數如恒沙一切毛孔悉亦然此是大仙三昧力。

疏第三如一毛下類顯一切毛光業用及結用所依謂三昧力。

如其本行所得光隨彼宿緣同行者今放光明故如是此是大仙智自在。

疏第四如其下釋成分齊如是等光今何不見謂

有緣者見如目觀光無緣不覺盲瞽常闇於中分二初偈總明如其本行牒前往因所得光者牒前果用若有宿緣及曾同行者則隨其所見如是差別。

往昔同修於福業及有愛樂能隨喜見其所作亦復然彼於此光咸得見。

若有自修衆福業供養諸佛無央數於佛功德常願求是此光明所開覺。

疏後六偈別顯於中初二法說後四喻說前中初偈宿緣宿有四緣一昔同業二愛其行三能隨喜。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

四但見所作。後偈現因。不必有緣。但功行內著。光明爰燭。有三種因。一修廣福。二供多佛。三求佛果。卽福智二嚴也。上之七類。皆蒙光照。

譬如生育不見日。非爲無日出世間。諸有目者悉明見。各隨所務修其業。

大士光明亦如是。有智慧者皆悉見。凡夫邪信劣解人。於此光明莫能覩。

疏二喻說中。雙明見與不見。二喻皆有法合。初日喻。喻光爲益因。合中謂法日常明。有智慧者心不住法。如人有目。則能得見。有三類人。則不能見。一

者凡愚。二邪信外道。三劣解。一乘皆無因緣。如人無目。

摩尼宮殿及輦乘。妙寶靈香以塗瑩。有福德者自然備。非無德者所能處。大士光明亦如是。有深智者咸照觸。邪信劣解凡愚人。無有能見此光明。

疏後寶嚴喻。喻光正益。明法寶常存。由福無福。有處不處。

若有聞此光差別。能生清淨深信解。永斷一切諸疑網。速成無上功德幢。

撰述

華嚴疏錄卷十五

西

疏第五若有下一頌明聞信光益。謂信仰解了。不生疑惑。則成佛果。不以不見。疑菩薩之無光。不以極苦莫救。謂光明之無益。亦不高推果用。謂菩薩不能。故云永斷諸疑。鈔不以不見等者。此下別釋絕疑之義。絕於三疑。一以不見。疑無光明。二不救劇苦。謂光明無益。經文以如盲不見日等。雙釋二疑。三亦不高推果用下。又遣一疑。謂此作用是佛果用。非十信故。八毛光照益三昧門竟。有勝三昧能出現。眷屬莊嚴皆自在。一切十方諸國土。佛子衆會無倫匹。

疏第九有勝三昧下六頌。王併嚴麗三昧門亦是出現三昧。文分三別。初一標門顯意。有妙蓮華光莊嚴量等三千大千界。其身端坐悉充满。是此三昧神通力。

復有十刹微塵數妙好蓮華所圍繞。諸佛子衆於中坐。住此三昧威神力。宿世成就善因緣。具足修行佛功德。此等衆生繞菩薩。悉共合掌觀無厭。譬如明月在星中。菩薩處衆亦復然。大士所行法。如是入此三昧威神力。

疏次四明一方業用於中前三法說後一喻合。既言量等三千。則不壞次第劣於十地及等覺也。鈔旣言量等者。此亦遮其不信十信八相成道。謂十地方能故云不壞次第。謂十地菩薩受職。有大蓮華量等百萬三千大千世界。十定品辯等覺菩薩有一蓮華量周法界。周法界唯大百萬億中但言三千。故劣後二。

如於一方所示現諸佛子衆共圍繞。一切方中悉如如住此三昧威神力。

疏三一頌類顯十方。九王伴嚴麗三昧門竟。

有勝三昧名方網。菩薩住此廣開示一切方中普現身。或現入定或從出。

疏第十有勝三昧下。三十四頌半明寂用無涯三昧門約處名爲方網。約相是謂寂用。亦總顯上來動寂無二。故文分爲三。初一標名總辯。十方交絡。出入縱橫。故名爲網。或於東方入正定。而於西方從定出。或於西方入正定。而於東方從定出。如是入出偏十方。是名菩薩三昧力。

撰述

華嚴疏錄卷十五

三

四

盡於東方諸國土所有如來無數量悉現其前普親近住於三昧寂不動。

而於西方諸世界一切諸佛如來所皆現從於三昧力廣修無量諸供養。

盡於西方諸國土所有如來無量數悉現其前普親近住於三昧寂不動。

而於東方諸世界一切諸佛如來所皆現從於三昧起廣修無量諸供養。

如是十方諸世界菩薩悉入無有餘或現三昧寂不動或現恭敬供養佛。

疏一或於下三十二頌半正顯業用三。是名下一頌總結難思就業用中分三初二頌於十方處交絡出入明於器世間自在。二有五頌十方佛所入出無礙明於智正覺世間自在。三於眼根下二十五頌半通顯三世間自在菩薩於三世間自在。畧有二義一以自身作三世間故得自在。二菩薩於三世間處示現自在今此三段初二約後義後一通二義文或綺互理實皆具初二世間畧有四重無礙一約處謂東處即是西處是故菩薩常在東恒在西也。二約佛謂東佛卽西佛是故在東佛恒

在西佛三約菩薩身不分。謂在東之身。即是西身。四約定謂入定即是出定。所以爾者。畧顯二因。一以所觀之法事隨理融相。卽在故。二能觀之心亦寂用無礙。故然此文中爲顯菩薩秘密隱顯自在德故。但說後二。若辯前二。則似菩薩無力。

於眼根中入正定。於色塵中從定出。示現色性不思議。一切天人莫能知。

於色塵中入正定。於眼起定心不亂。說眼無生無有起。性空寂滅無所作。

於耳根中入正定。於聲塵中從定出。分別一切語言

音。諸天世人莫能知。

於聲塵中入正定。於耳起定心不亂。說耳無生無有起。性空寂滅無所作。

於鼻根中入正定。於香塵中從定出。普得一切上妙香。諸天世人莫能知。

於香塵中入正定。於鼻起定心不亂。說鼻無生無有起。性空寂滅無所作。

於舌根中入正定。於味塵中從定出。普得一切諸上味。諸天世人莫能知。

於味塵中入正定。於舌起定心不亂。說舌無生無有

起。性空寂滅無所作。於身根中入正定。於觸塵中從定出。善能分別一切觸。諸天世人莫能知。

於觸塵中入正定。於身起定心不亂。說身無生無有起。性空寂滅無所作。於意根中入正定。於法塵中從定出。分別一切諸法相。諸天世人莫能知。音起中於寶出音於法塵中入正定。從意起定心不亂。說意無生無有起。性空寂滅無所作。

疏三於眼下通顯於三世間自在。文分爲四。一明

根境相對。以辯自在。二童子下。明於他身自在。三鬼神下。微細自在。四一切塵下。器界事中以辯自在。今初十二頌六對。一一對中有十義五對無礙之相。欲辨無礙先須明識定慧。此中云三昧起者觀也。入正受者定也。定慧雖多。不出二種。一事二理制之一處。無事不辦。事定門也能觀心性。契理不動。理定門也。明達法相。事觀也。善了無生理觀也。諸經論中。或單說事定。或但明理定。二觀亦然。或敵體事理止觀相對。或以事觀對於理定。如起信論。止一切相。乃至心不可得爲止。而觀因緣。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

生滅爲觀。或以理觀對於事定。下經云一心不動入諸禪。了境無生名般若是也。或俱通二。如下云禪定持心常一緣智慧了境同三昧是也。或二俱泯。非定非散。或卽觀之定。但名爲定。如觀心性名土定是也。或卽定之觀。但名爲觀。如以無分別智觀名般若是也。或說雙運。謂卽寂之照是也。所以局見之者。隨矚一文。互相非撥。偏修之者。隨入一門。皆有尅證。然非圓暢。今此經文巧顯無礙。鈔制之一處者。卽遺教經文。然亦可通。以其先後類例。多約事故。卽是彼經八大人覺中。第二明精進。

初云汝等比丘已能住戒。當制五根。勿令放逸。乃至云。此五根者。心爲其主。是故汝等當好制心。心之可畏。甚於毒蛇。惡獸怨賊。大火越逸。未足喻也。動轉輕躁。但觀於蜜。不見深坑。譬如狂象無鈎。猿猴得樹。騰躍踔擲。難可禁制。當急挫之。無令放逸。縱此心者。喪人善事。制之一處。無事不辦。是故比丘當勤精進。折伏汝心。能觀心性等者。上句卽涅槃經意。彼第二十七師子吼品。以彼立三品定。故經云。善男子。一切衆生具三種定。謂上中下。上者謂佛性也。以是故言。一切衆生悉有佛性。中者一

撰述

華嚴疏錄卷十五

三

四

切衆生具足初禪等下者十大地中心數定也。今但義引耳。從契理不動。卽義說也。觀其心性。卽是觀門。而云定者。心性是理。觀卽契理。與理相應。湛然不動。故名爲定。明達法相事觀者。如起信等。善了無生者。卽七地經云。了法無生名般若。是也。如起信者。論云。云何修行止觀門。所言止者。謂止一切境界之相。隨順奢摩他觀義也。所言觀者。謂分別因緣生滅之相。隨順毘鉢舍那觀義故。云何隨順。以此二義漸漸修習。不相捨離。雙現前故。次論云。若行若住。若卧若起。皆應止觀俱行。所謂雖念

諸法自性不生。而復卽念因緣和合。善惡之業苦樂等報。不失不壞。雖念因緣善惡業報。而亦卽念性不可得。釋曰。此中先止不礙觀。後觀不礙止。皆止約入理。觀約觀事。第一經中已廣引文。兼辨大意。以疏對論。文相可知。或以理觀者。卽七地偈文。然今經云。於道不動。卽修禪。忍受無生名般若。蓋其義引小有不同。禪定持心者。卽第三十三經。彼具明十度云。如其廻向行布施。亦復堅持於禁戒。精進常時無退怯。忍辱柔和心不動。禪定下同。今此但取定慧文耳。

疏言五對者。第一對根境無礙。謂觀根入定。應從根出。而從境出者。爲顯根境。唯是一心緣起。無二理性融通。是故根入境出耳。境入根出亦然。鈔言五對者。卽爲五別。然其五對。皆約經文取文。不同。第一對取根境。如初偈將上眼中。對下於色塵中作義。於中有三。初明根入境出爲顯下。二出所以。所以無礙者。畧有三義。一唯心現故。二緣起相由故。三法性融通故。廣如玄中。以是最初。故具出所以下多總畧。三境入下。卽例釋後偈。

疏第二對理事二定無礙。謂分別事相。應入事定。

而入理定。欲觀性空。應入理定。而入事定。以契卽事之理。而不動故。入理。卽是入事。制心卽理之事。而一緣故。入事卽是入理。而經文但云入正定。不言理事。及乎出觀境中。卽云分別色相。斯事觀也。根中卽云性空寂者。卽理觀也。亦合將根事。對於境理。以辨無礙。鈔第二對者。卽於入正定中作義。分別事相等者。緣從色塵中出。明知眼根中入。是其理定。欲觀性空者。緣於眼起等是理起。明知於色塵中入。是事入。以契卽事之理。下二明。所以唯約事理。無礙明。所以於中又二。先成上分別事。

相應入事定。而入理定。制心卽理之事下。二成上欲觀性空。應入理定。而入事定。而經文下。三出二定得名。所以顯上入正定所對之文。由對觀故。亦合將根事者。四結例。謂合有偈云。於眼根中入正定。於色起定。心不亂。了色無生無有起。性空寂滅。無所作。於色塵中入正定。於眼根中三昧起。分別眼性。不思議。諸天世人莫能知。

疏第三對事理二觀無礙。謂欲分別事相。應從事觀起。而反從理觀起者。以所觀之境既真俗雙融。法界不二故。分別事智。即是無生之智。二觀唯是

一心故。亦應將境事理。對根事理。以辨無礙。鈔

第三對者。卽約經文從定起。對於後半以作義疏文。有三初正明中疏文。但作初偈。不作後偈。若具應云。欲了真理。應從理觀起。而反從事觀起。謂前偈示現色性是事。則色塵中三昧起。義當理觀也。後偈說眼無生無有起。是理性。則前眼根起定心不亂。義當事觀也。亦應將境者。三反例。此意稍隱。先應問言。上辨二定。但云亦合將根事對於境理。今何雙言將境事理。對根理事。故應答言。以上二定不能自別。要因起觀方知事理。如眼入定。未知

撰述

華嚴疏鈔卷十五

三

三

何定。以見塵上了色差別。是其事觀。欲令無礙。故說根定是其理定。境入根起。既了根性空。故說境中入於事定。則經文中已辨根理。對於境事故。但合例以將根事定。對於境理。今此二觀不應定別。根上境上各有二觀。謂根入定。即於境上從理觀起。而分別事。於色入定。即於根上從事觀起。分別於理。經文已有此二。未於境上從事觀起。分別於理。及與根上從理觀起。分別於事。若作偈者。應云。於眼根中入正定。於色塵中事觀起。說色無生無有起。性空寂滅無所作。及於色塵中入正定。於眼

根中理觀起。分別一切上妙眼。諸天世人莫能知。斯則境上事起觀理。以對根上理起觀事故。云亦應以境事理對根理事。以辨無礙也。

疏第四對出入無礙。以起定即是入定。故起定而心不亂。若以事理相望。應成四句。謂事入事起。事入理起等。若以根境相望。又成四句。謂根事入境事起等。一一思之。皆有所由。鈔第四對者。即於經入正定。對從定起言。及起定不亂作義。若以事理相望下句數料揀。事理四句。但出其二等取餘二。謂三理入事起。四理入理起。上且單說有其四

撰述

華嚴疏錄卷十五

三

句。若單複相望。應成九句。於前四上更加五句。謂事入事理起。理入事理起。事理入事起。事理入理起。事理入事理起。故爲九句。又成四句者。卽根境出入成四。但舉其一。若具應云。二境事入根事起。三根理入境理起。四境理入根理起。若更交絡。乃成十句。謂根事入境理起。境事入根理起。根理入境事起。境理入根事起。根事理入境事理起。境事理入根事理起。以其事理相望。屬前事理四句。故但云四耳。

疏第五對二利體用無礙。謂於眼根起定心不亂。

是體也。自利也。而不礙現於廣境。是用也。人天不能知利他也。良以體用無二。故自利卽是利他。鈔第五對者。此有兩重無礙。一體用無礙。二二利無礙。下雙牒釋。言心不亂是體者。全用根起三句。以對境起中後二句作義。則根起三句。亦爲自利。謂於眼起定心不亂。說眼無生無有起性。空寂滅無所作。而言不礙現於廣境者。卽取前所示現色性。不思議諸天世人。莫能知爲廣境。亦全用此二句爲利他。良以下。以體用無礙釋二利無礙。然上疏但約眼色根境以爲體例。後五根境可知。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

疏此上十義同爲一聚法界緣起相卽自在。菩薩善達作用無礙思之思之。又經且約根境相對亦應境境相對。謂色塵入正受。聲香三昧起等。此如下童子身中入正定等中明。復應根根相對。謂眼根入正受。耳根三昧起等。一塵入正受。多根三昧起等。並畧不說。鈔又經且約根境下例顯。若境境相對。卽下於自他身自在中攝。故此不明。根根相對等。但畧無耳。例亦合有。若具說者。應云。於眼根中入正定。於耳根中從定起。示現耳性。不思議諸天世人莫能知。於耳根中入正定。從眼起定心。

不亂說眼無生無有起。性空寂滅無所作等。成六根互用。一塵入正受等者。亦畧無耳。若具應云。於色塵中入正定。於六根中從定起。示現六根不思議。諸天世人莫能知。於六根中入正定。於色起定心不亂說。色無生無有起。性空寂滅無所作等。復應有一根入多塵起。故云等也。等字等於兩重。一等多根入一塵起。二等一根入多塵起。若具應云。於眼根中入正定。於六塵中三昧起。分別六境不思議。諸天世人莫能知。於六境中入正定。於眼根起心不亂說。眼無生無有起。性空寂滅無所作。餘

根對塵亦然。故云並畧不說。

疏上來無礙。深妙難思。始學之流。如何趣入。今當總結。但能知事理無礙。根境一如。念慮不生。自當趣入。鈔上來無礙下。第四總示入門。先問後今當下。正示知事理無礙。根境一如。總觀也。念慮不生。總止也。卽禪門大意。

疏又向云。色性難思等。卽色等總持。是色陀羅尼自在佛等。亦應云分別眼性難思。有眼陀羅尼自在佛等。又眼中云。性空寂滅。卽眼之度門。眼等本淨。亦應云色等度門。色等本淨。不唯取相爲染。無

心爲淨而已也。又有智論。三觀束之。分別色相等。是假名觀也。性空寂滅。是空觀也。此二不二。色性難思中道觀也。三無前後。皆是一心。對此三觀。應辨三止。謂方便隨緣止。體真止。離二邊分別止。既止觀雙運。亦名一心三止也。卽一而三。卽三而一。雙照三一。雙遮三一。是無礙也。一一釋文。準思可見。鈔又向云下。第五彰其含攝。於中又二。先收總持等。會佛名。經然十二入。約其含攝。並稱總持。約其性空究竟。並稱波羅蜜。約其性本清淨。皆解脫門。約其覺性圓明。並得稱佛。故佛名經云。眼陀

撰述

華嚴疏錄卷十五

三

羅尼自在佛。乃至意陀羅尼自在佛。色陀羅尼自在佛。乃至法陀羅尼自在佛等。不唯取相爲染等者。結彈北宗禪門。但得一分之義。謂彼云眼見色意同知。染法界。意不同知。淨法界。不同知。卽眼陀羅尼自在佛。眼總持度門等。今謂亦是一義。但得不起心之一義耳。不同上來十重五對。無礙自在等。又有智論下。第二以三觀會智論於中有二。初明三觀。先明次第三觀。後三無前後。卽一心三觀。言此二不二。色性難思。中道觀也。此有二種中道。一但合上二以爲中道。此之中道大乘初門。二色

性難思。卽佛性中道。斯爲圓妙。欲辨包含。故雙出耳。對此三觀下辨三止。一方便隨緣止。卽假觀家止。謂方便涉有。隨一一緣。住一境故。二體真止。卽空觀家止。體達真理。與理冥故。三離二邊分別止。卽中道家止。不取有無等二相也。以上對經文之次。故以假觀爲初。今對上觀。亦以方便居首。若準智論。先空次假後中。義如前辨。旣止觀雙運下。雙結上二。於中又二。先結止觀。諸處多明。一心三觀。旣有雙運。則亦合言一心三止。若具亦可言一心三止觀也。卽一而三下。二結三一通於止觀。卽一

撰述

華嚴疏錄卷十五

五

而三體隨相用故。卽三而一相用。卽體故。雙照三一體用顯然。雙遮三一互奪雙泯。謂卽體同用故。非一卽用同體故。非三一一釋者。今將三觀以對經文三止遮照等亦然。謂色相難思是假觀。眼定卽是隨緣止。性空寂滅是空觀。色定卽是體真止。色性難思是中觀。眼根卽是離二邊分別止。以色性有二義。若以變礙爲性。卽假觀攝。若以真實難思爲性。卽中道攝。二觀皆用雙運。卽是根境對辨。二俱宛然。卽是雙照。二俱無礙。互奪雙亡。卽是雙遮。

疏此是菩薩圓融功德。而自莊嚴觸目對境。常所行用。希心玄趣。幸願留神。

童子身中入正定。壯年身中從定出。壯年身中入正定。老年身中從定出。老年身中入正定。善男身中從定出。善男身中入正定。善男身中從定出。比丘尼身從定出。比丘尼身入正定。比丘身中從定出。比丘身中入正定。學無學身從定出。學無學身入正定。辟支佛身從定出。

善男身中入正定。比丘尼身從定出。比丘尼身入正定。比丘身中從定出。比丘身中入正定。學無學身從定出。學無學身入正定。辟支佛身從定出。

辟支佛身入正定。現如來身從定出。於如來身入正定。諸天身中從定出。

諸天身中入正定。大龍身中從定出。大龍身中入正定。夜叉身中從定出。夜叉身中入正定。鬼神身中從定出。

疏二童子下六頌半。於他身得自在。此有三義。一

如前眼根入等。但約見境爲出入耳。二菩薩化現。彼身作此轉變速疾也。三菩薩以衆生身作自身。如下十身相作等。是故於彼身入此身出而彼不覺知。唯應慶者。知得度也。

鬼神身中入正定。一毛孔中從定出。一毛孔中入正定。一切毛孔從定出。

一切毛孔入正定。一毛端頭從定出。一毛端頭入正定。一微塵中從定出。一微塵中入正定。一切塵中從定出。

疏三鬼神下二頌半。微細自在。謂毛孔約正報。卽

佛及衆生。毛頭約空處。微塵是色相多。約器界。並身在中入定出定。爲顯三昧純熟隱顯自在故。亦通觀彼出入定等。卽於境無礙也。若唯約身在彼。一下十定中亦云無生法中入起安有處耶。

撰述

華嚴疏錄卷十五

三

四

一切塵中入正定。金剛地中從定出。金剛地中入正定。摩尼樹上從定出。

摩尼樹上入正定。佛光明中從定出。佛光明中入正定。於河海中從定出。

於河海中入正定。於火大中從定出。於火大中入正定。於風起定心不亂。

於風大中入正定。於地大中從定出。於地大中入正定。於天宮殿從定出。於天宮殿入正定。於空起定心不亂。

疏四 一切塵下。四頌半器界事中周徧入出。然菩

薩身普徧。畧有四位。一普徧一切十方刹海。二徧彼刹內樹等物中。三徧一切塵毛等中。皆圓徧。非分徧。是故皆全身顯現。四以是法界身故。不異不分。恒在此。常在彼。無有前後。來於無量劫說不盡。是名無量功德者。三昧自在難思議。十方一切諸如來。於無量劫說不盡。

疏第三是名下一頌總結。初句以德命人次句依人顯德。後半明說不盡。近結第十定用無盡遠結。前十定用無盡。以是無盡之法門故。十寂用無涯三昧門竟。

一切如來咸共說。衆生業報難思議。諸龍變化佛自在。菩薩神力亦難思。

吳無盡文去門丈。十方法輪。玄無盡真言。

欲以譬喻而顯示。終無有喻能喻此。

疏第五一切下。喻况玄旨分。亦名舉劣顯勝分。以上所說普賢行德。窮於佛境。蓋是信滿之位。既越常規。乖於視聽。滯情封教。取信無由。故舉斯近事。以鏡玄趣。令開悟也。七十九頌。分爲三段。初一總標。喻意二。七十六頌。別顯喻相三。一頌。結說顯德。今初先一偈半。明非喻能喻。後半偈借喻通玄。今初舉四難思。意在菩薩神力。瑜伽決擇分有六

種不可思議。謂一者我。二者有情。三世間。四有情業果。五諸修靜慮者。靜慮境界。六諸佛世尊。諸佛境界。今衆生含其前三。加龍變化。所以有四菩薩神力。卽淨慮者境界。舊經梵本皆云。禪定力用。故然衆生業報。四因難思。謂處所。差別故事。差別故。因差別故。異熟果。差別故。諸龍變化。不起心念。六天四洲。雲雨不同等。故難思也。佛自在者。有五難思。謂真如甚深故。自在轉故。無漏界證得故。無障礙故。成立有情所作事故。菩薩神力。由三種相。除佛後二。以今經文分同佛五。以皆超言念。故無可同。

撰述

華嚴疏錄卷十五

三

喻。鈔今衆生等者。以業報二字。是第四故。則初一含四菩薩神力等者。以無障礙。約二障盡故。成立有情。未周徧故。

然諸智慧聰達人。因於譬。故解其義。

疏後半中。然取分喻。以小喻大。令聞喻者忘象。領意。故褒以智者。鈔然取分喻者。由上云無可同喻。今何喻耶。故云分喻無可喻者。下經云。三界有無一切法。不能與佛爲譬喻。言分喻者。喻有八種。一順。二逆。三現。四非。五先。六後。七者先後。八者偏喻。如涅槃說前文已引。則有偏喻。今對偏喻。但取少分。如言佛面猶如滿月。但取圓滿無缺義。故今喻亦然。以小喻大者。若易中射。隼于高墉。以况天下等。其事甚多。令聞喻等者。易畧例云。夫象者。出意者也。言者。明象者也。盡意莫若象。盡象莫若言。言生於象。故可尋言以觀象。象生於意。故可尋象以觀意。意以象盡。象以言著。言者所以明象。得象而亡言。象者所以存意。得意而亡象。猶弟者所以在兔。得兔而亡弟。筌者所以在魚。得魚而亡筌。然則言者。象之弟也。象者意之筌也。是故存言者。非得象者也。存象者。非得意者也。象生於意。而存象

撰述

華嚴疏錄卷十五

三

焉。則所存者。乃非其象也。言生於象。而存言焉。則所存者。乃非其言也。然則亡象者。乃得意者也。亡言者。乃得象者也。得意在亡象。得象在亡言。故立象以盡意。而象可亡也。重畫以盡情。而畫可亡也。是故觸類可爲其象。合義可爲其微。今疏用此文。故令亡象領意。謂如水現四兵。是喻是象。但知菩薩無心頓現。則水印可亡矣。諸喻皆然。若能亡象得意。斯爲智者。執象失意。乃成愚滯。故法華云。諸有智者。以譬喻得解。

聲聞心住八解脫。所有變現。皆自在。能以一身現多身。復以多身爲一身。

於虛空中入火定。行住坐卧悉在空。身上出水。身下火。身上出火。身下水。

如是皆於一念中。種種自在無邊量。彼不具足大慈悲。不爲衆生求佛道。尚能現此難思事。况大饒益自在力。

疏二聲聞下別辨中。畧顯二十種大喻。以况菩薩之德。初有三頌半。明聲聞現通喻。况菩薩自在益生德。光明喻。末偈舉劣顯勝。不爲衆生無大悲也。不求菩提。無大智也。大饒益者。具悲智也。

譬如日月遊虛空。影像普偏於十方。泉池波澤器中水。衆寶河海靡不現。菩薩色像亦復然。十方普現不思議。此皆三昧自在法。唯有如來能證了。

疏一有二偈。日月現影喻。况菩薩普應羣機德。如淨水中四兵像。各各別異無交雜。劍戟弧矢類甚多。鎧胄車輿非一種。隨其所有相差別。莫不皆於水中現。而水本自無分別。菩薩三昧亦如是。

疏三有二頌。水現四兵喻。喻菩薩海印現像德。

海中有神名善音。其音普順海衆生。所有語言皆辨了。令彼一切悉歡悅。

彼神具有貪恚癡。猶能善解一切音。況復總持自在力。而不能令衆歡喜。

疏四有二頌。善音巧辨喻。喻菩薩總持巧說德。有一婦人名辨才。父母求天而得生。若有離惡樂真實。入彼身中生妙辨。

彼有貪欲瞋恚癡。猶能隨行與辨才。何況菩薩具智慧。而不能與衆生益。

疏五二頌。女授辨才喻。喻授法益生德。

釋迦

華嚴疏錄卷十五

三

中

譬如幻師知幻法。能現種種無量事。須臾示作日月歲城邑豐饒大安樂。

幻師具有貪恚癡。猶能幻力悅世間。况復禪定解脫力。而不能令衆歡喜。

疏六譬如幻師下二頌幻師巧術喻。喻不思議解脫德。

天阿修羅鬪戰時。修羅敗衄而退走。兵仗車輿及徒旅。一時竄匿莫得見。

彼有貪恚瞋恚癡。尚能變化不思議。况住神通無畏法。云何不能現自在。

疏七二頌修羅隱形喻。喻勝通隱顯德。

釋提桓因有象王。彼知天王欲行時。自化作頭三十二。一一六牙皆具足。

一一牙上七池水。清淨香潔湛然滿。一一清淨池水中。各七蓮華妙嚴飾。

彼諸嚴飾蓮華上。各各有七天玉女。悉善技藝奏眾樂。而與帝釋相娛樂。

彼象或復捨本形。自化其身同諸天威儀進止悉齊等。有此變現神通力。

彼有貪恚瞋恚癡。尚能現此諸神通。何况具足方便。

撰述

華嚴疏錄卷十五

三

十四

智而於諸定不自在。

疏八。五頌象王隨變喻。喻定用自在德。如阿修羅變化身。蹈金剛際。海中立。海水至深。僅其半。首共須彌正齊等。

彼有貪欲瞋恚癡。尚能現此大神通。况伏魔怨照世燈。而無自在威神力。

疏九。二頌修羅大身喻。喻法界身雲德。同於上文。主伴嚴麗。

天阿修羅共戰時。帝釋神力難思議。隨阿修羅軍衆數現身等。彼而與敵。

諸阿修羅發是念。釋提桓因來向我。必取我身五種縛。由是彼衆悉憂悴。

帝釋現身有千眼。手持金剛出火焰。被甲持仗極威嚴。修羅望見咸退伏。

彼以微小福德力。猶能摧破大怨敵。何況救度一切者。具足功德不自在。

疏十。有四頌。帝釋破冤喻。喻降伏衆魔德。

忉利天中有天鼓。從天業報而生得。知諸天衆放逸時。空中自然出此音。

一切五欲悉無常。如水聚沫性虛偽。諸有如夢如陽。

焰亦如浮雲水中月。放逸爲怨爲苦惱。非甘露道生死徑。若有作諸放逸行。入於死滅大魚口。世間所有衆苦本。一切聖人皆厭患。五欲功德滅壞性。汝應愛樂真實法。

三十三天聞此音。悉共來升善法堂。帝釋爲說微妙法。咸令順寂除貪愛。

彼音無形不可見。猶能利益諸天衆。况隨心樂現色身。而不濟度諸羣生。

疏十一。忉利天下六頌。天鼓說法喻。况菩薩以無

功用現身說法德。

天阿修羅共鬪時。諸天福德殊勝力。天鼓出音告其衆。汝等應宜勿憂怖。

諸天聞此所告音。悉除憂畏增益力。時阿修羅心震懼。所將兵衆咸退走。

甘露妙定如天鼓。恒出降魔寂靜音。大悲哀愍救一切。普使衆生滅煩惱。

疏十二。有三頌。天鼓安慰喻。况菩薩慈音除惱德。帝釋普應諸天女。九十有二那由他。令彼各各心自謂。天王獨與我娛樂。

撰述

華嚴疏錄卷十五

三

如天女中身普應善法堂內亦如是。能於一念現神通悉至其前爲說法。

帝釋具有貪恚癡能令眷屬悉歡喜。况大方便神通力而不能令一切悅。

疏十三有三頌。天王普應喻。喻普應悅機德。他化自在六天王。於欲界中得自在。以業惑苦爲骨網繫縛。一切諸凡夫。彼有貪欲瞋恚癡。猶於衆生得自在。况具十種自在力。而不能令衆同行。

疏十四二頌。魔繫愚夫喻。喻生同行德。

三千世界大梵王。一切梵天所住處。悉能現身於彼坐演暢微妙梵音聲。彼住世間梵道中。禪定神通尚如意。況出世間無有上於禪解脫不自在。

疏十五二頌。梵王殊現喻。况菩薩解脫自在德。摩醯首羅智自在。大海龍王降雨時。悉能分別數其滴。於一念中皆辨了。

無量億劫勤修學。得是無上菩提智。云何不於一念中。普知一切衆生心。

疏十六摩醯下二頌。自在數滴喻。况菩薩一念普

撰述

華嚴疏錄卷十五

知德。

衆生業報不思議。以大風力起世間。巨海諸山天宮殿。衆寶光明萬物種。亦能興雲降大雨。亦能散滅諸雲氣。亦能成熟一切穀。亦能安樂諸羣生。

風不能學波羅蜜。亦不學佛諸功德。猶成不可思議事。何況具足諸願者。

疏十七三頌。大風成事喻。喻大願宿成德。

男子女人種種聲。一切鳥獸諸音聲。大海川流雷震聲。皆能稱悅衆生意。

况復知聲性如響。逮得無礙妙辨才。普應衆生而說法。而不得令世間喜。

疏十八二頌。衆聲悅意喻。喻四辨悅機德。

海有希奇殊特法。能爲一切平等印。衆生寶物及川流。普悉包含無所拒。

無盡禪定解脫者。爲平等印亦如是。福德智慧諸妙行。一切普修無厭足。

疏十九二頌。大海包含喻。喻禪慧普修德。

大海龍王遊戲時。普於諸處得自在。

疏二十。大海龍王下。二十四頌半。龍王遊戲喻。喻

菩薩遊戲神變德文分爲二。初二十二頌半明龍王大用不同。後二頌正明舉劣顯勝。前中初半。偈總標。

興雲充徧四天下。其雲種種莊嚴色。

第六他化自在天於彼雲色如真金化樂天上赤珠色。兜率陀天霜雪色。

夜摩天土琉璃色。三十三天瑪瑙色。四天王上玻瓈色。大海水中金剛色。

緊那羅中妙香色。諸龍住處蓮華色。夜叉住處白鵝色。阿修羅中山石色。

鬱單越處金焰色。闍浮提中青寶色。餘二天下雜莊嚴隨衆所樂而應之。

疏餘頌別顯於中四。初四偈半。雲色不同。喻菩薩身雲各異。

又復他化自在天。雲中電曜如日光。化樂天上如月光。兜率天上闍浮金。

夜摩天上珂雪色。三十三天金焰色。四王天上衆寶色。大海之中赤珠色。

緊那羅界琉璃色。龍王住處寶藏色。夜叉所住玻瓈色。阿修羅中瑪瑙色。

撰述

華嚴疏錄卷十五

五

鬱單越境火珠色。闇浮提中帝青色。餘二天下雜莊色。如雲色相電亦然。

疏次有四頌。電光差別。喻菩薩光明等殊。第三偈云。寶藏色者。梵云室利揭娑。此云勝藏。勝藏卽寶名也。闇浮提中帝青色者。梵云天帝火焰摩尼色。亦珠寶名也。

他化雷震如梵音。化樂天中天鼓音。兜率天上歌唱音。夜摩天上天女音。於彼三十三天上。如緊那羅種種音。護世四王諸天所。如乾闥婆所出音。

海中兩山相擊聲。緊那羅中簫笛聲。諸龍城中頻伽聲。夜叉住處龍女聲。阿修羅中天鼓聲。於人道中海潮聲。

疏三有三頌半。雷聲不等。喻菩薩三昧多種。他化自在雨妙香。種種雜華爲莊嚴。化樂天雨多羅華。曼陀羅華及澤香。

兜率天上雨摩尼。其足種種寶莊嚴。譬如寶珠如月光。上妙衣服真金色。夜摩中雨幢幡蓋。華鬘金香妙嚴具。赤真珠色上妙衣。及以種種衆妓樂。

三十三天如意珠堅黑沉水栴檀香。鬱金鷄羅多摩等妙華香水相雜雨。

護世城中雨美餧色香味具增長力亦雨難思衆妙寶悉是龍王之所作。

又復於彼大海中。霪雨不斷如車軸。復雨無盡大寶藏亦雨種種莊嚴寶。

緊那羅界雨瓔珞衆色蓮華衣及寶。婆利師迦末利香種種樂音皆具足。

諸龍城中雨赤珠夜又城內光摩尼阿修羅中雨兵仗。催伏一切諸怨敵。

鬱單越中妙瓔珞亦雨無量上妙華弗婆瞿耶二天下悉雨種種莊嚴具。

閻浮提雨清淨水微細悅澤常應時長養衆華及果藥成熟一切諸苗稼。

疏四有十頌所雨不一。喻菩薩說法多門言曼陀羅者此云悅意澤香卽塗香也鷄羅多摩者鷄羅

此云華榮多摩此云天上華謂此香是天華榮所作故也婆利師迦者此云雨時生華末利香卽華名其色猶黃金。

如是無量妙莊嚴種種雲電及雷雨龍王自在悉能

1 2 3 4 5 6 7 8 9 10 1 2 3 4 5 6 7 8 9 80 1 2 3 4 5 6 7 8 9

作。而身不動無分別。

彼於世界海中住。尚能現此難思力。况入法海具功德。而不能爲大神變。

疏第二如是無量下三頌。正舉劣顯勝。謂娑竭羅龍於六欲天等。總十五處現斯作用。而身不動搖。心無分別。但由業報之力。現斯自在。菩薩亦爾。住無功用。不動不思。於十方界。應現多種。亦以菩薩功德之力。隨機現殊。此就喻意顯勝可知。彼諸菩薩解脫門。一切譬喻無能顯。我今以此諸譬喻。畧說於其自在力。

疏第三彼諸一頌。結說難思。前半非喻能喻。後半結上畧說。引諸喻者。畧有二意。一顯菩薩自在不同。二貴令衆生起信。且江南之人不信千人幢帳。河北之者。多疑萬斛之舟。皆耳目不暨故耳。所以或舉目擊。或據具縛之人。自在若斯。菩薩之用。固當無惑。今猶疑者。豈不傷哉。鈔且江南之人者。卽顏之推家訓歸心篇中之語也。

第一智慧廣大慧。真實智慧無邊慧。勝慧及以殊勝慧。如是法門今已說。

疏大文第三第一智慧下九頌。校量勸持分。此廣

大用。人皆有分。見而不習。誠爲自欺。故中人可勸而進也。於中分二。初一頌結前所說。畧就六慧結之。第一者。上無加故。二廣大者。語其分量。超二乘故。三真實者。明其體性。內證無虛故。四無邊者。有二義。一量智普知故。二離種種二邊故。卽中道慧也。五勝者。超地位故。六殊勝者。同普賢故。此法希有甚奇特。若人聞已能忍可。能信能受能讚說。如是所作。甚爲難。

疏二。此法下八頌。明信受難得。於中初一總顯。餘七別明。前中希有者。佛出懸遠。已難可遇。唯初成所作。總說皆難。

頓說。故希有也。竒謂初能具後。特謂迥出諸乘。此句讚也。下文勸耳。聞謂遇經。忍可謂信。因信則心淨。受謂領文領義。讚乃通言通筆。說唯約言。上皆世間一切諸凡夫。信是法者甚難得。若有勤修清淨福。以昔因力乃能信。

疏後別明中三。初二偈半明難信。次半偈。况出餘行後。四偈舉事校量。前中初一偈。明人天之器。信爲甚難。若爾今或能信何耶。由二力故。一現修淨福。稱所求故。二昔因聞熏。今發種故。今不信者。願

少聽聞爲毒塗鼓終成堅種。鈔爲毒塗鼓者卽涅槃第九如來性品云復次善男子譬如有人以雜毒藥用塗大鼓於衆人中擊之發聲雖無心欲聞聞之皆死唯除一人不橫死者鼓合涅槃死喻滅惑不橫死者喻一闡提終成堅種者卽出現品如上頻引。

一切世間諸羣生少有欲求聲聞乘求獨覺者轉復少趣大乘者甚難遇趣大乘者猶爲易能信此法倍更難。

疏後一偈半舉三乘之信展轉難得況於一乘明

文昭然權實有據

况復持誦爲人說如法修行真實解。

疏第二半偈况出餘行中信忍尚難况具餘行難中之難也真實解者亦有說行而不信圓融之旨非真實解也願諸學者善擇知見有以三千大千界頂戴一劫身不動彼之所作未爲難信是法者乃爲難有以手擎十佛刹盡於一劫空中住彼之所作未爲難能信此法乃爲難十利塵數衆生所悉施樂具經一劫彼之福德未爲

勝。信此法者爲最勝。

疏第三四頌。舉事校量。初三校量難信。初二舉二
難以况信難。後一舉福勝以彰信勝。

十利塵數如來所。悉皆承事盡一劫。若於此品能誦
持。其福最勝過於彼。

疏後一挾量餘行之難。唯明誦持。餘畧不說。亦顯
修行真解。非可挾量也。此之四事。後後過於前前。
巧辨深勝。

時賢首菩薩說此偈已。十方世界六反震動。魔宮隱
蔽。惡道休息。十方諸佛普現其前。各以右手而摩其

頂。同聲讚言。善哉善哉。快說此法。我等一切悉皆隨
喜。

疏大段第三時賢首下。顯實證成分於中有四。一
動世界。大機發故。二蔽魔宮。唯佛境故。三息惡道。
利樂深故。四佛現證。契佛心故。於中摩頂讚善隨
喜。卽三業皆證。勸物信行。第二會竟。

信士吳協捨銀八兩八錢刻此一卷伏願
福山增廣智海彌深斷有二障體無礙果

大方廣佛華嚴經疏鈔卷十五 終

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

大文賀滿華嚴卷十五
翻山跌落華嚴卷十五
喜
林樂
性喜
體慧
氣
藏大
喜
頭同
喜
喜

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

エノキ
二十一